

ABBREGE

CHIRVRGICAL.

2910

30892

RÉCUEILLY DES PLUS

doctes & renommiez Medecins

& Chirurgiens, tant anciens

que modernes.

30892

Par M. HONORE LAMY

Docteur en Médecine

aggrégé à l'université



J. B. Lamy
A. PARIS,

Chez ANTHOINE GVEDOIS au
bout du Pont-Neuf, proche les
Augustins, à l'enseigne
de S. Ignace.

M. D C. XLII.

A V X L E C T E V R S
Estudians en Chirurgie.

0103
SI j'apperçoy que cest Ab-
bregé Chirurgical soit bien
reçu de vous, ie tascheray de
vous dresser dans peu de temps
vne DialectiqueFrançoise, pour
apprendre en bref& avec grâde
facilité l'art de bien disputer &
raisonner, dont les exemples
seront tirez de la Chirurgie, &
pour plus claire doctrine ie la
reduiray en forme de Dialogue.
Cependant prenez en bonne
part le recueil qui contient les
principaux enseignemens &
preceptes appartenans à vostre
profession.



ABBREGE' CHIRVURGICAL.

*Recueilly des plus doctes & renom-
mez Medecins & Chirurgiens ;
tant anciens que modernes.*

D'Amy & fidelle interprete
du diuin Hippocrate aux
deux liures de la maniere de
guarir , à Glaucon. a pour butte
d'enseigner sommairement vne me-
thode fort facile, pour guarison de
toutes maladies. Au premier , cel-
les qui sont interieures & commu-
nes à tout le corps, comme la fieure,
& autres semblables, delaisées à la
preuoyance du Medecin, desquelles
nous ne voulons en façon quelcon-
que discourir pour ce coup icy. Au
second liure les exterieures & parti-
culieremēt destinées à quelque par-

tie, comme les tumeurs contre nature adjudgées appartenir au Chirurgien. L'hiſtoire deſquelles (Dieu aydant) nous taſcherons de depeindre le plus naïuement qu'il nous ſera poſſible, en faueur des apprentifs de la Chirurgie en ce traicté : Si premierement nous auons remarqué quelques point vtils & profitables à toutes les parties de la Medecine; or pour paruenir à ceſte voye, faut ſoigneuſement obſeruer ce que Galien à laiſſé par eſcrit: à ſçauoir, qu'en toutes maladies on doit iuſtement limiter & preſcrire la quantité du remede, la qualité d'iceluy, l'vſage & moyen de l'appliquer, & eſpier l'occaſion laquelle ſe pert fort ſoudainement, & eſt malaiſée à recouurer eſtant vne fois perduë. Et d'ailleurs ſe reſſouuenir auſſi que la medecine ſ'accóplir en deux poincts: à

sçauoir en la matiere, & en la pratique des remedes. Le premier comprend la quantité & qualité : le dernier embrasse le moyen de s'en seruir & preualoir : lesquelles choses à la verité on ne peut bien & deuëment determiner, si au preallable on ne cognoist la nature & essence du mal. Quin'est autre, selon l'opinion & consentement de tous les Medecins, qu'une affection contre nature, blessant l'action premierement & de foy, & non par accident. Bien est vray que tel ennemy de nature ne peut-estre osté, ny aussi le corps malade remis & estably à son premier lustre & splendeur, qu'on n'aye retranché ce qui est contre nature : à sçauoir la cause de la maladie, de peur que telle cause par la prise de possession ne fasse autant renaistre de mal, que l'on en pourroit auoir

osté. C'est pourquoy il me semble du tout nécessaire (sauf meilleur aduis) qu'on cognoisse auant toutes choses les deux natures: la generale qui est enclose dans les bornes du chaud, froid, humide, & sec, & la particuliere appelée *Idiostmicrasis* des maladies. Ceste-cy ne se peut cognoistre que par vne longue experience: mais bien l'vniuerselle, & ce par l'ayde de certains theoremes, comme par l'humeur predominante & correspondante à la temperature d'un chacun, par les actions immediatement prouenant du temperament, par les mœurs qui ensuiuent la temperature du corps, par l'habitude d'iceluy, par les excrements des parties, par l'usage des choses vtils ou dommageables, par l'aage, maniere de viure, coustume, & autres circonstances, desquelles

le diagnostique & prognostique des maladies est tiré, selon Hippocrates, en la partie premiere section 3. du premier des Epidimies, comme aussi de l'examen de la face du malade; de sorte que toutes ces belles reigles & preceptes diligemment observées, nous conduiront à la cognoissance de ceux que n'auons nullement cogneus. Estant donc les choses telles que dessus, nous emprunterōs trois propositions de Galie. La premiere sera, Que celuy qui cognoistra ce qui est selō nature, & cōtre nature, & qui d'ailleurs sçaura cōmodément prédre ses indicatiōs, ne faudra gueres en la curation des maladies. La seconde est, Que le Medecin guatira plus aisément les malades qu'il aura practiqué & fréquenté de long-temps, que ceux qui luy seront incogneus. La troisieme est,

Que l'on peut approcher de fort pres de la cognoissance du patient par la lumiere de la doctrine des choses naturelles, & leurs annexes, & principalement du changement de l'air. Or de l'establissement de ces trois propositions nous en tirons ceste conclusion, qui est, Que le Chirurgien pour bien exercer les operations manuelles doit exactement cognoistre les choses naturelles qui sont en nombre de six : à sçauoir les elements, les temperaments, les parties, les humeurs, les esprits, & l'ame avec ses facultez : les choses non naturelles de soy, indifferentes & neutres, qui sont l'air, le boire & manger, le dormir & veiller, le mouuement & repos, l'euacuation & retention des excrements, & les passions de l'ame : les choses contre nature, à sçauoir la maladie, la cause

d'icelle, & le symptome qui la suit, tout ainsi que l'ombre le corps. Et doit, dis je, cognoistre toutes ces choses, ou comme amies de nature, ou comme ennemies, d'autant que les vñes la conseruent, & les autres la ruinent. Quelques-vns ont estimé qu'il suffiroit au Chirurgien d'auoir vne prompte & assurée dextérité pour parfaire ce qui est requis à l'œuvre de la main, & que la cognoissance des choses susdites estoit reseruée au seul Medecin. Telles gens, s'il leur plaist, prendront raison en payement de l'Hippocrate, disant que tout nostre corps est confluxible & conspirable, & qu'une partie ne peut-estre offensée (si la blessure est tant soit peu grande) qu'elle ne communique aux autres: joint aussi qu'il est fort malaisé de pouuoir bien cognoistre ce qui est

contre nature , si on n'a cogneu premierement ce qui est selon nature , pource que la vraye cognoissance de l'un dépend infailliblement de l'autre. On peut encores respondre que telle cognoissance est referuée au Medecin comme au Iuge souuerain , & au Chirurgien comme au subalterne & inferieur. Concluant donc nous dirons que le Chirurgien doit cognoistre les choses naturelles , non naturelles , & celles qui sont contre nature , s'il veut artificiellement & methodiquement guarir les maladies Chirurgicales.

TRAICTE' DE CERTAINES
choſes generales : & premiere-
ment de la definition de Chirur-
gie , & du nom d'icelle.

*Qu'est-ce que Chirurgie , & quel
est ſon nom*

CELLE des trois parties de
la Medecine qui opere de
la main , & a ſon effect le
plus evident , eſt dicte Chirurgie,
lequel nom ne ſignifie autre choſe
qu'œuvre manuelle. Auſſi eſt-ce vn
art qui par l'induſtrie & artifice de la
main chaſſe les maladies qui ſaiſiſ-
ſent le corps humain exterieuremēt.

*Combien y a-il des eſpeces de
Chirurgie ?*

DEux , dont l'une conſiſte es pre-
ceptes de l'art , appellée enſei-
B

gnante , & l'autre en l'usage & pratique des preceptes , nommée vſuelle. La premiere a pour fin la cognoiſſance & verité , la ſeconde l'action ou l'effect , auquel reluit la louange de la vertu dudit art. Paul Eginette la diuiſe en deux parties, l'une deſquelles traite des vices de la chair , l'autre des os : Par la chair il entend les parties molles , par les os les dures : les molles ſont plus ſubiectes aux apoſtumes , playes & vlceres , les dures aux fractures & luxations , qui ſont en ſomme les cinq ſortes de maladies de laiſſées au Chirurgien : combien que pour la cure d'icelles il prenne les loix & preceptes de la Medecine , & emprunte des remedes de deux autres parties , comme les medicaments de la pharmacie , & la maniere de viure de la dietetique : Outre ces

cinq ; il y a encore plusieurs autres maladies qui ont besoin de l'operation manuelle, d'autant que la Chirurgie est vn instrument commun de la Medecine.

Quel est le subiect de Chirurgie ?

IE vous respons que son subiect est commun à toute la Medecine, à sçauoir le corps humain, soit que l'on le considere en general cōme subiect de science, soit en particulier, comme subiect de l'œeure. Quelques vns des modernes disent que le vray subject de la Chirurgie est le corps humain susceptible de santé, ou de maladie aux parties externes : le mot de subiect signifie ce à quoy est referé tout ce qui est disputé & debatue en l'art ou science.

Quelle est la fin de la Chirurgie ?

LA fin de la Chirurgie est aussi commune à toutes autres parties, c'est à sçauoir la santé de l'homme, pour laquelle conseruer, ou rendre, la medecine est ordonnée. Mais pour vray dire, le Medecin ne parvient pas tousiours au but, à cause qu'il y a quatre choses qui l'empeschent : sçauoir est, la grandeur de la grandeur de la maladie, l'infirmité de la nature, la négligence & rebellion du patient, & la faute de l'opérateur.

Que faict le Chirurgien pour paruenir à ceste fin ?

L vſe de trois sortes d'operations, de diuision, de conionction, & de detraction : car où il ſepare le continu par incision, ſcarification,

phlebotomie, piqueure, perfure, coupeure, racleure, limeure, brufleure: où il assemble le separé par bādes, cōpresses, coustures, & autres moyens: & ce en tirāt ou poulsāt: où bien il tire dehors ce qui est superflu: comme l'enfant mort, l'vrine, la pierre, la boüe, les traiçts, & autres choses contre nature. Aucuns multiplient & augmentent le nombre des susdictes operations en adioustant ce qui defaut: comme dēts d'yuoire: & remettre en son lieu ce qui est dehors, comme le boyau en la hergne: mais ceste derniere est comprinse sous la conionction, la premiere est plus rare & commune.

Quels sont les instruments de Chirurgie, & de combien de sortes?

Pour parfaire les susdites operations, le Chirurgien vse de deux

sortés d'instruments , à sçauoir des communs & des propres : les communs sont les poudres , liniments, emplastres, cataplasmes, ceroines, lauements, iniections, vesicatoires, & autres tels que la pharmacie fournit. Les propres sont les ferrements qu'il tient prests dans sa boutique, ou porte dans son estuy : comme le rasoir, ciseaux, pincettes, lancettes, sondes, spatuelles, poinçons, limes, aiguilles, & caules fenestrees, & ainsi bien muny & equipé il met la main à l'œuvre.

Quels & combien d'onguens doit porter le Chirurgien en sa boëtte?

Cinq, selon le Guidon, à sçauoir le diathea qui amollit & rarifie, separant aucunement ce qui est continu, l'onguent blanc qui cicatrice & rait ce qui est separé: celuy

des apostres, qui mondifie & desseiche, ostant le superflu, le basilicon destiné à la suppuration, & le doré pour rengendrer la chair. Dont il appert que ces cinq onguents appartiennent aux trois opérations chirurgicales.

Qu'est-ce qu'indication, & quelles sont ses differences ?

Indication est vne guide & cognoissance de ce qu'il faut faire, tirée de la nature & essence du mal, laquelle est double : l'une inartificielle commune aux ignorans & sçauans, l'autre artificielle, propre seulement au Medecin & Chirurgien lettré.

D'où sont prises telles indications ?

Les indications methodiques sont prises, ou des choses natu-

relles, & leurs annexes, comme des parties, de la température, habitude, aage, sexe, coustume, & aussi des forces: ou bien des nonnaturelles: à sçauoir de l'air, boire, manger, repos, trauail, dormir, veiller, retention & euacuation des excrements, & des passions de l'ame, ou des choses qui sont contre nature: cōme la maladie, la cause d'icelle, & le symptome, lesquelles indications sont reduictes à deux generalles, qui sont les vitalles & curatiues: car comme la santé veut estre gardée par choses semblables, aussi le mal ne peut estre chassé que par son contraire: que si les maladies se trouuent compliquées, elles auront indications diuerfes, auquel cas nous obseruerons trois choses. La premiere sera d'oster la cause qui foment & nourrist le mal, comme la

fluxion qui entretient l'vlcere : la seconde d'oster la disposition, sans laquelle le mal ne peut estre guarý, comme l'intemperature & callosité en vn vlcere : la troisieme est, de pourueoir à la chose plus vrgente, comme à la douleur ou aimorrhagie, laquelle curation est certainement extraordinaire, & auant que d'operer le Chirurgiẽ se doit proposer quatre poincts. Le premier, quelle doit estre l'operation, ce que monstre la nature du mal: le second, pourquoy il vse de telle operation, à sçauoir pour oster le mal & sa cause: le troisieme, si telle operation est necessaire, ou possible: necessaire quand les autres remedes defail-
lent: possible, si les forces le permettent, & la condition de la partie: le quatrieme, en quelle maniere l'operation doit estre faicte, où il

faut observer trois choses, tost, seurement, & de bonne grace.

*Des conditions du Chirurgien, &
combien sont elles?*

OR pour bien operer & exceller en son art, le Chirurgien doit estre pourueu de trois choses, d'une bonne nature qui comprend les dons du corps & de l'esprit, c'est à dire la cognoissance des bonnes lettres & d'experience: la seconde d'estre extremement assure en ses actions: la troisieme est, d'auoir la main prompte & agile. Maistre Guy de Chauliac requiert quatre choses à vn bon Chirurgien: La premiere, qu'il soit lettré & bien versé, tant en la theorique de l'art qu'en la pratique, & sur tout qu'il cognoisse le subiect de son art, sur lequel il conuient faire les operations, & les maladies

subiectes à son art: la seconde, qu'il ait bonne experience de l'art avant qu'il se mette à l'exercer, tant pour auoir bien obserué les operations des excellens Chirurgiens. que pour s'y estre accoustumé: la tierce, qu'il soit bien composé selon le corps, ieune, prompt, habile, ambidextre, asseuré de tous les sens, & principalement de la veüe, & de la main: & pour le regard de l'esprit, qu'il soit ingenieux, prudent, de bon iugement & bonne memoire: Finalement touchant les mœurs, qu'il soit hardy és choses manifestes, tardif & craintif aux douteuses & dangereuses, doux & affable à ses patients, discret, & bien aduisé en la prediction du succès des maladies, chaste, sobre, liberal, & pitoyable, modeste en son entrée chez le malade, & en ses paroles, gestes, veste-

mens & tontures, tant pour gagner la grace de ses malades, & les rendre obeyssans, que pour la vertu qui de foy est infiniment aymable.

Traicté particulier des tumeurs.

IL reste maintenant que nous entrions au discours particulier de la Chirurgie, & suyvions l'ordre de ceux qui l'ont enfermée dans le ventre & estenduë de cinq sections, assavoir des tumeurs contre nature, des playes, des vlceres, des fractures, & des luxations.

Des tumeurs.

SECTION I.



Ippocrates au liure de la nature humaine, traictant du subiect de la Medecine,

dit qu'il est composé non d'un élément seul, ne de deux, ne de trois, mais bien des quatre ensemble: en l'union & amitié desquels il se conserve en santé, & par la discorde & contrariété d'iceux engendre de l'inimitié des quatre premières qualités, il est fait malade. Le corps donc humain basti des quatre éléments, est nourry & entretenu des quatre humeurs naturelles, bonnes & loüables: qui sont le sang, la cholere, le phlegme, & la melancholie, desquelles (estant bien tempérées) ne pechant ne en quantité ne en qualité, il ne s'en peut faire maladie aucune: mais s'il aduient que quelque'une desdictes humeurs peche en quantité seulement, & qu'elle afflue sur quelque partie, à l'arriüée elle change de nature, & se corrompt. Dont sont engendrées les tumeurs

fuyuantes, comme du bon sang & loüable se faiet le phlegmon, de la cholere naturelle l'erysipele, de la pituite l'œdeme, & de la melancholie le scirrhe: & quand les humeurs sont pefle-mefle; celle qui predomine, comme victorieuse, donne le nom. Ainsi le sang meflé avec la bile & dominant faiet le phlegmon erysipellateux; avec la pituite le phlegmon œdemateux, avec la melancholie le phlegmon scirrheux. De mefme la cholere au meflange des autres trois humeurs, eftant la plus forte, fait l'erysipele phlegmoneux, scirrheux, & œdemateux. La pituite commandant donne le mot, qui est l'œdeme scirrheux, l'œdeme phlegmoneux, l'œdeme erysipellateux: la melancholie n'en fait pas moins, tenant le gouuernail en la mixtion avec les autres hu-

meurs. A raison dequoy elle engendre le scirrhe phlegmoneux, œdémateux, & le scirrhe erysipellateux: mais lors que lescdites humeurs sont vitiées, ou au foye, ou dans les veines, fluent sur quelque partie de nostre corps, elles enfantent d'autres especes de maladies pource qu'icelles ont double corruption. La premiere est celle quelles ont en leur generation dans le foye ou dans les veines: la seconde, celle qu'elles acquierent en la partie estant hors des vaisseaux: de maniere que les parties pour lors ne peuvent estre alimentées de telles humeurs, aussi ne sont elles aucunement propres pour nourrir, mais bien pour engendrer des maladies. Or est à noter que telle corruption se faict par adustion, & quelquefois par adustion & admixtion ensemble. Comme du

sang brulé se faict le charbon , de bile simple & pure est formé la vray herpée, de la bile meslée avec serosité, l'herpes miliaris : de la pituite pourrie par adustion sont faictes les escrouelles, glandes latheroines, & leurs semblables. De la melancholie aduste meslée avec quelque portion de pituite se faict le chancre non vlcéré, & de la melancholie brulée le chancre vlcéré.

Outre les tumeurs non naturelles, il y en a encores deux especes, à sçauoir l'acqueuse & la venteuse, qui peuuent neantmoins estre rapportées à l'œdeme non naturel, differéd toutefois en tension. Or puis que nous auons parlé iusques icy des tumeurs, il faut auant que de passer plus outre, que nous sçachions que c'est que tumeur; si au preallable nous auons dit que le
mot

mot de tumeur est pris en trois manieres. Premièrement pour tumeur naturelle, comme celle de la teste & des ioinctures: secondement outre nature, en laquelle l'action n'est point empeschée, comme est le ventre des gens gras; tiercement il y a tumeur contre nature, où l'action de la partie est blessée, ainsi que nous dirons cy apres.

Qu'est-ce que tumeur?

LA plus frequente des maladies delaissee au Chirurgien, est la tumeur, que les Arabes nomment apostemes: combien que le nom, selon les Grecs, signifie proprement ce que nous appellons abcès, auquel la matiere est contenuë en quelque espace yuide, soit qu'elle se fasse passage dès le commencement, ou apres la suppuration: mais commu-

nement aposteme se prend pour toute sorte de tumeur contre nature. Ceste maladie est organique excédant la naturelle quantité de la partie, & est ioincte avec intemperie & solution de continuité. Pour ceste cause aposteme est vulgairement définie maladie composée de trois sortes de maladies assemblées en vne grandeur : où il faut noter que l'essence de tumeur est la quantité excessiue, les autres maladies ne sont qu'adiointes & suruenantes. Et pource nous pouuons mieux définir aposteme excès de quantité avec mutation de qualité de forme, & obscure solution d'vnité blessant l'action: si tu veux plus briuelement, Tumeur contre nature est vn excès des constitutions, declinant de nature, & contre nature.

Quelle est la matiere des tumeurs ?

LEs quatre humeurs naturelles, à sçauoir le sang, la cholere, le phlegme, & la melancholie simple ou meflée.

En combien de manieres se font les tumeurs ?

Selon la commune opinion en deux seulement, à sçauoir par fluxion & par congestion auxquelles deux tu peux, s'il te plaist, adiouster vne troisieme, qui est par transposition.

Qu'est-ce que fluxion ?

VN mouuement d'humeurs qui se faiet en nostre corps sur quelque partie d'iceluy, qui ne les peut receuoir sans estre blessée, à cause de leur trop grande quantité ou qualité.

Qu'est-ce que congestion ?

C'Est vn amas des excremens de la troisieme concoction faicte sur quelque partie, à raison de l'imbecillité de la faculté expultrice, & erreur de l'assimilatrice.

Qu'est-ce que transposition ?

C'Est quand vne partie est changée de son lieu en vn autre, blessant l'action. Comme quand le boyau deuale dans la bourse faict le hergne intestinale, ou quand l'epiploon ou coiffe tombe en la bourse, causant la hergne epiplorique : au surplus la transposition se voit aux dislocations, où bien elle concerne la matiere qui peut estre chagée, ou par methastaze ; qui est du bas en haut . ou par diadoche du haut en bas. Or si ce troisieme moyen de

tumeur t'est à contre-cœur, laisse le
 ie te prie, iulques à ce que nous t'en
 donnions vne dispute plus exacte.

*Quelles & combien sont les causes
 de fluxion?*

Six, à sçauoir la force de la partie
 mandante, l'imbecillité de celle
 qui reçoit l'abondance de la matie-
 re, l'amplitude ou laxité des vais-
 seaux, l'angustie des parties man-
 dantes, & la situation de celle qui
 reçoit.

Comment se faiēt la congestion?

Elle se faiēt par l'erreur de la fa-
 culté assimilatrice, & imbecilli-
 té de l'expultrice.

Comment se faiēt la transposuion?

Elle se faiēt par les choses exte-
 rieures (par lāt proprement d'icel.

le. Or iusques icy nous auons tenu le discours des tumeurs en general, il faut venir au particulier.

Combien & quelles sont les causes speciales des tumeurs?

DV consentement presque de tous elles sont trois, à sçauoir la primitive, l'antecedente, & la conioincte.

Q'est-ce que cause primitive?

CAuse primitive, ou procatartique, est celle qui vient du dehors, & par ainsi nommée externe: laquelle ayant faict le coup, c'est à dire la maladie s'enfuit, & se separe d'auec elle: comme est vn coup d'espee, ou de pierre faisant playe.

Q'est-ce que cause antecedente?

C'Est celle qui est du tout prompte & disposée à faire maladie.

Par exemple, prend les quatre humeurs d'où procedent ordinairement la plethore, c'est à dire, l'abondance & replection des humeurs, & la cacochimie qui signifie l'impurité d'icelles: bref la trop grande quantité des humeurs & la qualité, sont les causes antecedentes, & des tumeurs, & de toutes autres maladies.

Qu'est-ce que cause coniointe ?

C'Est celle qui estant presente produit son effect, qui est la maladie, & comme elle est ostée, la maladie est pareillement ostée. Je reserve ailleurs à te dire, si cause cōioincte est la mesme que cause continente, ou quelle difference y a-il.

De combien de choses sont prises les differences des tumeurs ?

DE cinq, premierement de la substance, dont leur grandeur,

mediocrité & bassesse dependent, c'est à dire que de là sont appellées grandes, moyennes, & petites: Secondement de la matiere comme des quatre humeurs: Tiercement des accidens, dittes chaudes, froides, rouges, blanches, & autres: quaterment de la partie blessée, cōme ophtalmie en l'œil, esquinance en la gorge: en cinquiesme lieu des caules efficiētes, qui sont fluxion & congestion, combien que ce soit plustost maniere que cause: mais la vraye difference des tumeurs est prinse de la condition de la matiere, de laquelle dépend la varieté des tumeurs.

Quels sont les signes des tumeurs?

PVis qu'ainsi est que la premiere intention curatiue des tumeurs est tirée de la vraye cognoissance de

la maladie, comment cognoistrions nous vne chacune espee de tumeur ? Le responds que ce sera par les signes ensuiuans, qui sont la couleur, chaleur, froidure, durté, tension, moleste, douleur, renitence, mordication de la partie malade, & de la defluxion periodique.

Qu'est ce que demonstre la couleur ?

SI elle est rouge, declare que la tumeur est faite de sang. Que si la couleur paroist iaunastre, elle a pour pere & mere la cholere: mais si la couleur est blanchastre, c'est signe que la pituite fait le mal, si elle est noire, faut accuser la melancholie, & non autre.

*Que demonstre la chaleur
estrange ?*

ELle nous tesmoigne que le sang ou la cholere dominant en la tu-

mieur, ou bien quelque humeur putride : & la froideur faict lecture patente que la pituite possede telle tumeur, ou quelque autre humeur aqueuse ou venteuse, ou quelque suc melancholique, ou quelques humeurs amassées de longue main, & endurcies.

*Que demonstre la duresé
& mollesse?*

IEte respôs que duresé avec douleur est indice de phlegme, que si elle est exempte de douleur, est assurée messagere du scirrhe : la mollesse montre qu'il y a œdeme, à la charge qu'il n'y ait douleur.

*Que demonstre la tension ou
renitence?*

ELles nous assurent d'une abondance & repletion d'humeurs,

ou des vents: & quant à la mordication elle manifeste l'acrimonie de la matiere faisant la tumeur.

Le retour de la fluxion , l'irritation des douleurs en la tumeur en certain temps & certaines saisons , qu'est-ce qu'ils signifient ?

INfailliblement cela demonstre l'essence de la matiere , la nature & espeece du mal. Or avant que de partir de ce lieu , ne sera hors de propos d'encrer vn petit discours sur le iour naturel , lequel estant composé de vingt quatre heures, est diuisé en quatre fois six: Si bien qu'au matin (comme au Printemps) qui est depuis trois heures iusqu'à neuf, le sang thresor & fils aîné de nature a son mouuement, temps à la verité consacré à la saignée (pourueu qu'il n'y ait rien qui la haste ou

qui la recule): & dès les neuf du matin iusques à trois apres midy, Mademoiselle l'enragée (& avec plus de modestie nommée cholere) correspondante à l'Esté, sert son quartier, à laquelle succede madame la triste & noire. proprement appelée melancholie, qui est comme l'Automne, commandant à la garde du corps depuis les trois heures apres midy iusques à neuf du soir: qui en est releuée par madame la blanche, autrement pituite, laquelle commençant son regne dès les neuf heures du soir, l'estend iusques à trois heures du matin semblable à l'Hyuer. De ceste-cy j'estime auoir parlé le Poëte François, quand il a dit: *O, tenez-vous du serain, craignez vous point le rheume, conseil du touc preiudiciable à la race d'Æsculape.* Iusques à present nous auõs

raicté des signes diagnostiques ou indicateurs, il faut parler maintenant des signes prognostiques.

*D'où sont pris les prognostiques
des tumeurs?*

ILs sont pris de la fin, de la différence des tumeurs de la malice, ou benignité de la matière, ténuité, ou espaisseur d'icelle: de la chaleur ou froidure, de la force ou imbecillité de la partie, ou de tout le corps.

Comment se terminent les tumeurs?

ELles se terminent en cinq manieres, car si elles ne sont empêchées en leur commencement, finissent par digestion qui se fait par vne resolution de la matiere desia affluë faisant la tumeur, ou par suppuration, qui est vne concoction de la bouë & matiere affluë,

ou se terminent par resolution du subtil & tenu , & le gros demeure & s'endurcist faisant scirrhé ou gangrene , qui le fait quand la partie est surmontee de telle abondance de matiere , que l'action en est perduë : ou promptement s'esuanouissent , retournant la matiere de la partie malade aux parties nobles , ainsi qu'on void aux apostemes pestilentiellés , & le retour de telles humeurs monstre qu'elles sont malignes & reuesches.

*Quelle est la curation des tumeurs
en general ?*

LEs maladies ou se font , ou elles sont faictes : de sorte qu'il nous faut considerer la tumeur lors qu'elle se faict , & lors qu'elle est faicte , d'autant que la tumeur qui se faict a double indication : l'une est d'em-

pescher ce qui fluë à la partie, l'autre est d'euacuer ce qui est fluë.

*Comment arresterons-nous la
fluxion ?*

NOUS l'arresterons fort bien en
nostant la cause, si elle est faicte
de plenitude de tout le corps, il con-
uiendra seigner (si les forces & au-
tres indications le permettent) les
fluxions, baings, exercices, liniments
qui digerent y sont conuenables:
mais si la fluxion est faicte par caco-
chimie, il faudra purger: si par im-
becillité de la partie qui reçoit, faut
la fortifier si elle est causée de la si-
tuation inferieure de la partie, la
faut situer en sorte quelle soit esse-
uée, & sans douleur: & si elle est
faicte de douleur, elle sera appaisée
par anodyns qui sont temperez, ou
par epiceratiques, qui sont reme-

des de qualité contraire à la matiere, ou par narcotiques, c'est à dire remedes stupefatifs : que si elle est faicte par chaleur il faudra refrigerer, si l'humeur est subtile faudra l'engrossir & espaisir : L'impetuosité de l'humeur sera destournée par reuulsion faicte par phlebotomie, scarification, ventouses, cornets, sangsues, ligatures, frictions, & autres remedes semblables. Et voila les moyens de pourueoir à la fluxion qui se fait. Il faut à ceste heure traicter de la fluxion qui est faicte.

Quelle est l'indication curative de la fluxion qui est faicte?

ELLE a double indication, desquelles la premiere s'accomplit par les repercussifs, renuoyans les humeurs aux autres parties: l'autre est

est d'euacuer la matiere affluë en attirant en dehors , par resolution, section, scarification, ventouses.

Doit-on vser tousiours des repercusifs au commencement des tumeurs ?

O Vy, les cas exceptez, comme aux glandes derriere les oreilles, sous les aisselles, & aux aisnes: pareillement on ne s'en doit point servir en matiere veneneuse, n'y en tumeur critique, n'y es corps pletoriques, n'y es tumeurs qui sont accompagnées des grandes douleurs, n'y proche des parties nobles, n'y aussi es apostemes faiçtes de matiere espaisse

Toutes tumeurs reçoivent-elles mesme curation ?

N On, car autrement faut cürer celles qui sont faiçtes du sang,

D

& autrement celles qui naissent de la bile, ou de la pituite, ou de la melancholie.

Qu'est-ce donc qui nous commande de diversifier la curation?

CERTAINES considerations, dont la premiere regarde la condition de la partie: la seconde la qualite de la maladie, du remede, & le mouuement de l'humeur: la troisieme est le lieu auquel le remede est applique: la quatrieme est le temps ou occasion pour se servir & preualoir du remede.

Donne moy l'explication de toutes ces circonstances?

JE le veux. Quant à la premiere qui est la condition de la partie, elle comprend le temperament d'icelle, l'excellence, l'usage, le sentiment,

la conformatiõ, la scituatiõ & societé avec les autres, la force du patiét, & de la partie malade. De ces deux dernieres, les principales & premieres indications de la curation sont tirées: pour la temperature de la partie, quelle quelle soit aux malades, doit estre conseruée par choses semblables, parce que le corps infirme & malade ne pourroit supporter les incommoditez d'un nouveau changement, comme aussi les parties qui sont atteintes de maladie semblable à leur nature, demandent des remedes doux & benins: au contraire, quand les maladies sont du tout opposites au naturel des parties, elles requierent medicaments plus forts, d'autant que les vnes sont plus esloignées de leur nature, & les autres moins. Or des parties, les vnes sont princeſſes, communiquées

leur action à tout le corps, & que non seulement desirerent pour leur purgation le doux & gracieux zephire des remèdes, mais aussi elles souhaitent auoir des adstringents pour estre fortifiées, de crainte que par l'usage des medicamens violens, la faculté de telles parties du tout necessaire à la vie, ne soit offensée: les autres s'ont ignobles & moins importantes, sans aucune charge publique, à raison dequoy elles supportent avec moindre incommodité l'effect des remèdes forts: le temperament monstre encores que les parties malades, comme la chair & glâdes doiuent estre moins desséchées, & que les seiches, comme les nerfs, cartilages, ligaments & les os, requierét medicaments qui dessèchent dauantage. Quant à la conformation, elle signifie que les par-

ties solides veulent des medicamēts plus robustes que les molles: la sci-tuation monstre les lieux par lesquels la matiere se peut plus facilement euacuer.

La force du malade & de la partie varient aussi la cure, ainsi qu'il sera dit cy apres. Or les parties qui ont vn sentiment tres-exquis, comme l'œil, ne peuuent souffrir remedes qui immoderément relaschent, resoluent, refrigerent, & qui ont vne qualité maligne, ainsi que nous auons dit auparauant.

La seconde circonstance assise sur la qualité de la maladie, du remede, & du mouuement de l'humeur, nous apprend & facilite l'usage & moyen des remedes en la curation des maladies. Or supposons que la maladie soit grande, demandant vn bien grand remede en pro-

portion, ne faut pas le luy donner au ſſi toſt, mais bien vn mediocre, & de peu à peu vn plus grand, en augmentant iuſques à ce que les forces ſoient accreuës, & qu'elles eſgallent la grandeur du mal : Car la nature eſtant extrêmement debili-rée par la violence ou longueur de la maladie, elle ne pourroit endurer les grands & ſoudains change-mens. De maniere que quand il eſt beſoin d'une grande euacuation de ſang, ſi les forces ne peuuent la per-mettre en vne ſeule fois, la faut par-tager en deux : ſi le corps eſt caco-chime & foible, il le faut purger par interualle, & benignement. Au ſur-plus il conuient ſuiure le mouue-ment de l'humeur ſi elle ſe purge par lieux conuenables : que ſi elle ſe iettoit ſur quelque partie noble, il la faudroit deſtourner & luy don-

ner autre chemin : si elle est disposée à sortir, la chasser, & mettre dehors sans delay : si elle se trouue espaisse & gluante, l'attenuer, subtilier, & inciser, comme aussi faut desbonder les conduits & les dilater.

La troisieme circonstance est le lieu, qui semble plustost de môstrer la forme du remede, que le moyen de l'exhiber. Car comme les parties sont differentes en figure, elles veulent aussi les remedes en forme dissemblable.

Quant à la quatrieme, qui est l'occasion ou temps cômode d'appliquer le remede, elle est prise de la nature du malade, qualité de l'humeur, & nature des forces : de maniere qu'aux maladies aiguës la matiere estant vrgente & montrant de vouloir sortir, il la faut prom-

ptement euacuer, à cause de la continuelle perte & dissipation des forces. Que si la maladie ne presse point, ains donne loisir d'attendre, en tel cas sera meilleur de purger à la declination du mal. Or nous noterons en passant, qu'il n'est pas trop aisé de prescrire à vn chacun des remedes de son temps, pource que n'y la force de la maladie, n'y celle du corps, n'y des medicaments, n'y peuuent exactement estre limitées, mais seulement par coniectures, lesquelles les vns plus, les autres moins, doctement comprennent.

Du phlegmon.

CE qui est dit en general des tumeurs doit estre accommodé aux particulieres: entre lesquelles le phlegmon est la plus frequente & commune, & qui excite des

plus grands accidens, à sçauoir douleur, fièvre, selon Galien au chapitre premier du treiziesme & quatorziesme de sa Methode.

Du nom de phlegmon.

LE nom de phlegmon se préd en deux manieres, generalement pour toute inflammation, & mesme pour celle qui est seiche & sans matiere, que les Grecs nomment Phlogosis, & particulièrement pour vne tumeur sanguine.

*Quelles sont les differences du
phlegmon?*

EN suite de la derniere signification, il y a deux especes de phlegmon: l'un est vray & exquis engendré du sang naturel, bon en qualité & consistance, mais il peche en quantité: l'autre est nom

vray & illegitime, qui prouient du sang depraué en sa substance, s'il est trop gros, sereux, brulé & pourry, ou par le meslange & redondance des autres trois humeurs dont le phlegmon est surnommé erysipelateux, œdemateux, ou scirrheux. Le phlegmon vray, selon le iugement de raison, il est fort rare, pour ce qu'il y a tousiours quelque meslange: selon le sens, il est assez frequent.

Qu'est-ce que phlegmon?

C'Est vne tumeur grande & limitée faicte de sang loüable, decoulât en quelque partie de trop grande quantité entre les espaces des parties similaires. Plus briue-ment, Phlegmon est vne tumeur contre nature, avec douleur, rougeur, chaleur, renitence, & pulsatiõ.

Quelle est la cause du phlegmon ?

C'Est vne fluxion de sang pur & loüable sur quelque partie, excitée de cause interne ou externe.

Quelle est la cause externe ?

LA cause externe ou primitiue est contusion, playe, luxation, chaleur, mouuement, & autres qui enuironnent la fluxion, la maniere de viure qui produit trop grande quantité de sang.

Quelle est la cause interne ?

LE respôs que ceste cy est double l'vne antecedente, & l'autre conioincte.

Quelle est l'antecedente ?

LA cause antecedente est la plenitude & abondance de sang loüa-

ABBREGÉ

ble, lequel sortant hors des vaisseaux, poussé par la faculté expultrice, ou de soy-mesme, s'escoule en quelque membre debile, eschauffé, ou dolent, entre les espaces des parties similaires.

Quelle est la cause conioincte ?

LE mesme sang ia espandu & arresté en la partie, lequel venant à s'enflammer & corrompre, il degenerate de sa nature : car depuis que le sang est sorty hors de ses vaisseaux & lieux naturels, faut qu'il suppure, ou qu'il se corrompe.

Quels sont les signes, & combien de phlegmon ?

SI tu estois tant soy peu laborieux tu les recueillerois de la derniere definition fort aisément

cy-dessus assignée: Toutesfois pour ce coup ne desirât pas de faire tousjours de mesme (pour ne faire iniure à la nature & condition d'abbregé) ie te diray que les signes qui distinguent ceste tumeur d'auec les autres, sont enuiron sept: Le premier est éléuation de la partie comme en pointe, comprenant non seulement la peau, comme en l'erysipele, mais aussi la chair qui est au dessous, tesmoin Galien au second *ad Glauconem*. Le second est chaleur, laquelle s'augmente de plus en plus, à cause de l'obstruction & pourriture: le troisieme est rougeur, à raison du sang contenu sous le cuir; & de l'inflammation: le quatrieme est douleur, la plus vehemente qu'en pas vne autre tumeur, moyennant que la partie soit sensible: le cinquiesme tension, à cause de la su-

perfluë quantité de la matiere : le sixiesme dureté & renitence, à cause de la replexion : le septiesme & dernier est pulsation, principalement quand la suppuration se faiët à raison du mouuement des arteres pressées & eschauffées.

*Combien y a-il des temps au
phlegmon?*

Q Vatre, à sçauoir le commencement, auquel la partie est remplie de sang : L'accroissement, qui est quād la fluxion est cessée (laquelle seiournant long-temps) acquiert putrefaction, dont s'engendrent des esprits vaporeux qui excitent fluxion & douleur : l'estat quand la bouë ou pus est faiët, auquel temps les douleurs sont plus grandes : le quatriesme est la declination, lors que le pus se digere, &

tous les accidens sont diminuez.

*Quelle est la curation du
phlegmon ?*

LA curation du phlegmon consiste en quatre poinçts, à sçavoir en la maniere de viure, en l'empeschement de la fluxion, en l'evacuation de ce qui est afflué & en la correction des accidens.

*Quelle doit estre la maniere
de viure ?*

LA maniere de viure doit estre froide, seiche, legere, & de peu de nourriture, deffendant les boëillons, viandes grasses, acres, douces, & tout mouvement d'esprit & de corps, & le vin aussi.

*Comment faut-il deſtourner
la fluxion ?*

PAr phlebotomie, encorè que le corps ne ſoit plethorique, pour obuier à la fluxion que la douleur & chaleur excitent, liqueſiant & corrompant les humeurs, ſelon Galien, au chapitre cinquieſme du treizieſme de la Methode, faiète neantmoins de la partie oppoſite, pour ſeruir de remiſſion & auſſi ſouuent & ſi largement, que la grandeur du mal requerra, iointe à la force du malade & aage de ieuneſſe : autrement ſi l'aage & les forces ne le permettent, faudra appliquer des ventouſes, & faire des frictions aux parties contraires. Apres que la fluxion ſera ceſſée, on pourra deſcharger la partie malade, en tirant du ſang de la partie plus prochaine: auant la ſaignée

gnée il sera bon de lascher le ventre par clysteres ou medicaments benigns. Et pource que les autres humeurs quelquefois pechent avec le sang, & la chaleur excessiue conuertit en bile la plus subtile partie d'iceluy, la purgation ne sera obmise & accommodée à l'humeur superfluë : le te deuois renuoyer aux remedes expliquez au traicté general.

Comment faut-il euacuer ce qui est assuë.

AV commencement il faut vser des reperçussifs adstringents, comme d'une esponge mouillée en oxycrat : si d'auenture l'inflammation est aux ioinctures on vsera du cataplasme de *sēperuina*, d'escorcede grenade, & de sumach cuit en vin, avec de la farine d'orge. Il est aussi

bon de tremper des linges en blanc d'œuf, huile rosat, & eauë rose, & les appliquer.

A l'accroissement, ores qu'il faille repescutter legerement, on meslera quelques resolutifs, mais en moindre quantité avec les repercussifs, afin de reprimer la fluxion qui continuë, & quand & quand dissiper ce qui est arresté & receu en la partie: l'huile rosat faiët l'vn & l'autre, aussi est-il vn souuerain remede: pareillement le cataplasme faiët des mauues, roses, farine d'anet, avec vn peu d'huile de camomille: le liniment faiët de vin cuit, d'eau rose, vinaigre & safran, y est fort propre.

Durant l'estat ou vigueur, si le phlegmon se veut resoudre, il faut vser des calastiques, ou des plus doux resolutifs, avec lesquels neant-

moins on meslera quelques astringents pour roborer la partie, temperer la chaleur, & empescher vne nouvelle fluxion. Pour cet effect on fera vn cataplasme de la mie de pain, d'huile rosat, & mauues: ou autre faiët de la mie de pain cuit en soupe: ou bien vn cataplasme de mie de pain avec du miel & de l'eau chaude. Les fomentations des mauues, guimauues, parietaire, absinthé, plantin, grains de lin, fœnugrec, fenail, meurthe, fleurs de camomille & mellilot, d'anet, & des roses, du son, le tout cuit en oximel, ou en eau & gros vin. Si avec le marc paistry est passé on adiouste la farine d'orge & de lin, avec les huiles rosat & de camomille, se fera vn cataplasme: si la douleur est fascheuse, on vsera des mucilages des grains de lin & fœnugrec, ti-

rées en eau de violettes.

Quand le phlegmon est en sa declination, faut vser des resolutifs, ou de ceux qui ont plus grande efficace, attendu qu'il faut fort digerer: comme farine de febues & lupins cuittes en hydromel ou eau & vin blanc, avec poudre de flambes: des huiles de camomille, de lys, d'anet, appliquez avec cotton, ou avec de la laine grasse. Toutesfois se faut donner de'garde d'eschauffer trop la partie, de peur d'esmouuoir vne nouvelle fluxion, ou causer quelque autre accident. Apres la resolution, faut roborer la partie avec vne decoction des roses blanches, sumach, & myrthilles en vin rude. Si la tumeur tend à suppuration, faut vser des suppuratifs, lesquels par leur chaleur naturelle aydent la concoction de l'humeur, qui n'a peu estre

digerée à cause de son espaisseur & densité de cuir. Tels sont le basili-con & dyachilon commun, & le magnum, & autres que ie tairay, pour n'estre trop prolix.

*Qui sont, & combien les accidents
qui suruiennent aux tumeurs?*

ILs sont quatre, douleur, retour de la matiere aux parties internes, dispositions scirrheuses, & corruption de la partie.

*Comment faut-il appaiser la
douleur?*

LA douleur est appaisée par anodins, qui sont faiçts d'huile rolat, iaune d'œuf, avec l'huile & laine grasse pour les receuoir. Vn autre: Cet huile rolat, saffran, iaune d'œuf, mie de pain cuit en eau laiçt, des mauues cuittes en eau

meſlée avec du ſon, ſaffran & huile roſat & violart. Si ces remedes ne profitent, faudra vſer des ſtupefactifs, c'eſt à dire qui endorment la partie: comme des fucilles de hyoſciame fraiſches cuittes ſoubs les cendres, & meſlées avec axunge.

*Que faut-il faire au retour de la
matiere au dedans?*

IL faut l'empêcher, & retirer par les attractifs, principalement ſ'il y a de la virulence, en appliquant ſur la tumeur choſes qui attirent, comme ventouſes, cornets, & autres ſemblables. Et quant à l'induration ou diſpoſition ſcirreufe, faudra y pourueoir par les remedes qui ſeront propoſez au chapitre du ſcirrhe.

Comment faut il curer la mortification de la partie ?

LA mortification qui est, ou parfaite, appelée *lphacele*, feu saint Anthoine entiere mortification de la partie, mesme des os, ou mortification en gangrene, quand quelque partie deuient morte pour quelque grande inflammation, on la doit curer par scarifications profondes, appliquant l'emplastre fait de farine d'orobes & febues, cuit en oxicrat, & autres remedes que les practiciens proposent traitans de la gangrene, & desquels (à tout le moins de quelques-uns) nous parlerons en son lieu.

Du phlegmon changé en apostème.

Qu'est-ce qu'apostème ?

DE finissant la tumeur par cy deuant, nous auons dit que apo-

steme estoit vne affection composée de trois genres de maladies assemblées en vne grandeur: de sorte que serons contents de ceste definition, & n'en chercherons point d'autre.

*Combien y a-il de differences
d'apostemes?*

DEux, l'une qui est avec inflammation, lors que la matiere du phlegmon est changée en boüe & enclose dans quelque sinuosité ou espace: l'autre est sans inflammation quand l'humour peccante dès le commencement par son acrimonie, elle se donne chemin, ou bien elle s'enveloppe de quelque membrane: comme sont l'atherome, steatome, & meliceris, qui sont les apostemes, où l'on trouue comme de la boullie, du suif, & du miel.

*Comment se font les apostemes
d'inflammation ?*

Elles se font quand la matiere n'a pas esté ostée par l'application des resolutifs: & par la suppuration, on cognoist deuoir aduenir, par l'ardeur de la partie, tumeur, rougeur, dureté, douleur pungitiue, fièvre, pulsation, & pesanteur, comme s'il y auoit quelque chose suspenduë: Et le pus faict, on le cognoist, quand tous les accidens sont diminuez, ou bien quand la tumeur vient en poincte, & que la bouë obeist au toucher.

*Combien y a-il de considerations en
l'ouuerture de l'aposteme, &
comme il la faut ouurir?*

L'Ouuerture se doit faire avec la lancette, ou le cautere actuel

ou potentiel , observant tousiours la rectitude des muscles , euitter les nerfs & vaisseaux insignes , prendre le lieu decliue où est la matiere , puis euitter la douleur , & d'esuacuer la matiere tout à vn coup. Finalement traicter l'vlcere avec remedes conuenables.

Du furoncle.

Sous le genre de phlegmon sont compris les tubercules & pustulles qui prouiennent du sang, comme le furoncle & le charbon, lesquels different entr'eux-mesmes: en ce que le charbon prouient du sang brulé, mais le furoncle est faict d'un gros sang, & corrompu, que nature separe du bon, comme superflu & nuisible, & le chasse aux parties externes.

*Quelles sont les differences du
furoncle.*

GAlien au chapitre troisieme du cinquiesme liure selon les lieux, en faiçt deux: l'vn est bouton-
neux, petit, dur & difficile à suppu-
rer: l'autre est phlegmonneux &
plus gros, que Celse deffinist tuber-
cule aigu avec inflâmentation & dou-
leur, principalement quand il vient
à suppurer. Il differe du phlegmon,
non seulement en grosseur, mais
aussi touchant la matiere & subiect.
Or il est plus petit, faiçt de sang vi-
tié, lequel les estuues, bains, exer-
cice, & la chaleur du Printemps es
corps cacochemes, fait sortir dehors
par l'aphor. 20. du 3. liure. Tel sang
s'amasse par l'vsage des mauuaises
viandes, coctions depraüees, ob-
struction, oyssiueté, suppression des

mois, & hemorroïdes. Comme au contraire le flux d'icelles chasse les cloux, selon Hippocrates en la section troisieme du 6. liure des Epidemics.

Des causes & curation.

ET ainsi comme le phlegmon vient de plenitude, le furoncle est vn germe de cacochimie, quant au subiect il n'occupe gueres que le cuir. Et d'autant plus qu'il est profond, d'autant plus il est malin, & approchant de l'antrax. Le cutanée n'est dangereux en soy, selon Celse, & meurist bien souuent s'ouurant de soy-mesme : toutesfois la douleur contraint d'ayder & haster la suppuration avec oing-doux & leuain, ozeille cuitte au beurre, pain masché, racine de lys, dyachilon, & basilicon. Et s'il est plus rebelle

avec vn cataplasme suppuratif. Apres qu'il aura bien purgé, il sera bon de pourueoir à la cacochimie & redondance par phlebotomie & purgation conuenable, afin qu'il n'en vienne plus d'autre.

Du Charbon.

ENTRE les tumeurs ou pustules sanguines, le charbon est le plus dangereux & difficile à guarir: Aucuns doutent si c'est tumeur ou vlcere, pource que Galien dit l'un & l'autre: Toutesfois il s'explique au chapitre dixiesme du quatorziesme de la Methode, où il escrit qu'il commence par vne bube, ou plusieurs, comme si c'estoit brulure de charbon, dont il a pris ce nom des Grecs. Il est surnommé *Antrax*, qui signifie vn charbon allumé, à cause de son ardeur: de maniere que

par ces deux, il ne nous faut entendre qu'une mesme maladie, encore que Guidon les distingue.

*Quelles sont les differences du
charbon ?*

GAlien au lieu preallegué dit, qu'il y a deux sortes de charbon, l'un qui vient avec pustules ou bubes, l'autre sans icelle. Auicenne au chapitre neufiesme hist. 1. senten. 3. du quatriesme liure, appelle le dernier *prunam*, c'est à dire brasier, l'autre feu Persique, qui est plus malin. Ce que Guidon a ensuiuy, car il en faict vn simple qu'il nomme Carboncle, l'autre malin, qu'il appelle Antrax, qui est vn charbon qui s'estend & s'arreste sur quelque partie, & bruste le cuir, faict d'un gros sang, & bouillant, lesquels ne different que de qualité de matiere.

Des causes du charbon.

IL n'y a qu'une cause des deux, à sçavoir fluxion d'un gros sang bouillant, & demy brulé. En quoy le carboncle differe du chancre qui est faict du sang brulé totalement, & changé en atrabile. Ce que tesmoigne Galien au chapitre premier du second liure des fieures, quand il dit, Que le sang qui faict le charbon est bien près d'estre changé en atrabile, mais il n'y est pas encore tourné comme au chancre.

Des signes du charbon.

LEs signes sont premierement tumeur petite au commencement, & puis mediocre: dureté, à cause que l'humeur est gros & aduste, couleur rouge-brune, pource que l'inflammation vient d'un sang

noir, quelquefois citrine à cause du mélange de quelque serosité bilieuse, chaleur, suivant l'adustion, douleur poignante, à cause de l'acrimonie de l'humeur, demangeaison à cause de la serosité, quelques bubes, ou plusieurs, qui naissent d'une serosité bilieuse, eschambouliere, vlcere sanieuse & liuide, qui survient aux pustules quand elles sont rompuës, la chair noire, brulée, & boüeuse, escarre autour de l'vlcere. Ausquels signes faut adiouster la fièvre à cause de la ferueur du sang. Si le charbon est malin, outre les susdits signes, il y a pesanteur de membre, à cause de l'oppression de la faculté, faute d'appetit, horreur des viandes, vomissemens, inquietude, douleur de teste, endormissement, resuerie, battement de cœur, & autres tels accidents qui ostent

ostent l'esperance de salut quand ils perseuerent & empirét. Bref, le perse & noiraistre est pire, comme marque de grande aduersion & malignité.

Du prognostic.

OR comme ainsi soit que tout charbon soit mauuais, en tēps de peste il est plus dangereux, & plus quand il suruient à la fièvre, que s'il precedoit: car ce dernier demonstre que nature est plus forte: toutefois s'il disparoist soudainement, cela est mortel, pource que le venin gaigne les parties nobles: s'il apparoist vers l'estomach, soudain il estouffe, tesmoin Celse au chapitre vingt-huictiesme du 6. liure, à cause du voisinage du cœur, & plus il est proche d'iceluy, d'autant plus il est dāgereux, pource qu'il signifie nature

estre debile, laquelle ne peut chasser le venin plus loin.

La curation.

LA curation consiste en deux sortes de remedes cōmuns & particuliers, les communs corrigent le vice du sang & conseruent les forces : L'ardeur du sang est mitigée par la maniere de viure & phlebotomie : touchant la maniere de viure, au simple charbon elle doit rafraîchir & humecter : aux veneux desleicher, les choses acides conuiennent à l'vn & à l'autre pour resister à la pourriture. Comme aussi la quantité modérée des viandes de bon suc, pour roborer nature & non l'opprimer : le vin augmente bien la fièvre, mais il resiste au venin, & soustient les forces : le long dormir ne cōuient aux pestilens, ny

aussi la froidure de l'air. Car, comme le froid repousse & retire le venin au dedans, aussi la clarté & la chaleur l'attirent, & les choses odorantes le corrigent. Quant à la phlebotomie, Galien au second *ad Glauc.* commande au commencement de la fluxion de tirer du sang de la partie contraire pour faire reuulsion, iusques à la syncope exclusivement, (les forces le permettant) pource que telle euacuation rafraischist soudainemēt, & reprime la fluxion: mais si le charbon est pestilent, ou il ne faut seigner (estāt les forces debiles) ou il faut tirer du sang en petite quantité du costé malade, tant pour rafraischir & tempeter l'ardeur de la fieure, que pour descharger la partie, & mesme pour attirer dauantage, selon le conseil d'Auicenne. Aucuns est meilleur d'ap-

pliquer des ventouses au deffous avec Icarification. Apres la saignée au simple charbon, il faudra vler de purgation si besoin est : les forces seront cependât gardées, & le cœur principe de vie muny & roboré par les aliments de bon suc & vlage de vin, partie par les alexipharmques, tant prins par la bouche, comme theriaque, mithridat, poudres, opiatres, cauës cordialles, citrons, & autres, qu'appliquez sur la region du cœur, comme epithemes, sachets odorants : Si le charbon est si benin qu'il puisse venir à suppuration, l'ayder par les suppuratifs, puis il faut scarifier l'ulcere, & apres former le lieu d'eau chaude, & faire en sorte que la sanie en sorte. Pour cet effect le cataplasme des figues, passules, noix, vieilles, ruë, scabieu-le & farine d'orge, le tout cuit en

inomeſ, adiouſtât des iaunes d'œufs & vn peu de ſel ; & ſans graiſſe , eſt bon : ou le cataplaſme de pain bis avec des lentilles & plantain : Et ſur le lieu mettre des trociſques d'Andropasco , ou de Polidas diſſous en vin doux ; ou vn iaune d'œuf & beurre frais : l'eſcarre eſtant tombée, faut traiſter le mal comme vn vlcere.

Du bubon.

L'Inflammation qui vient aux glandes des emontoires, communément eſt appellée bubon, comme teſmoigne Galien au chapitre premier du ſecond liure *ad Glauc.* mais ce nom ſignifie plus, ſpecialement celle qui ſe fait aux ayſnes, à cauſe que les Grecs nomment ces parties là bubones : derriere les oreilles elle eſt appellée parotide, du nom de la partie. En ce-

ste particuliere signification le bubon est simple, ou venerien, ou pestilent: Le simple est faict des causes manifestes ou internes; les manifestes sont quelques vlcères, galles, contusions, douleur, qui esmeuent la fluxion au plus prochain emontoire.

Des causes du bubon.

LA cause interne est vn sang superflu que la vertu expultrice chasse aux emontoires, comme les plus debiles, & passage des grands vaisseaux, ou par maniere de cryse sur la fin de quelque fieure, ou pour ce qu'elle est trop chargée d'humours. Le venerien est vn avant-coureur de la verole, car il est participant d'une virulence, que le foye premier infecté chasse avec le sang qui s'enveloppe aux emontoires.

Des signes.

Quant aux signes, si le bubon vient à supputer, c'est bon signe, & s'il s'en retourne il promet la verole: le pestilent est commun aux aynes & aysselles, fait d'un gros sang infecté de venin, que la nature chasse aussi aux emuntôires. Au commencement il a forme de glande, estant fort longuet & mobile, mais peu à peu il s'afermist & devient rond avec rougeur, tension, douleur poignante, inflammation & fièvre, laquelle est moins dangereuse quand elle presse de près le bubon. Car s'il survient bien tard à la fièvre, est plustost par violence & propagation du mal qu'autrement.

De la curation.

Quant à la curation, si le bubon simple vient de cause manife-

ste sans aucun vice du corps , il est aisé à guarir avec les huiles calastiques. S'il est critique, il ne le faut ny retirer ny repousser, mais plustost attirer & meurir: S'il vient de plénitude, cacochimie, ou inflammation de foye, sans violence, on doit premieremēt pourueoir à tout le corps par phlebotomie de la partie opposite, & par purgation pour retenir la fluxion: Touchant l'humeur, elle requiert les relaxatifs & resolutifs, comme les huiles de camomille & lys, avec laine grasse, que si on ne le peut resoudre, faudra venir à la suppuration. Si le bubon est veneneux, il ne faut vser d'aucune reuulsion, n'y mesme attenter la resolution (laquelle est suspecte) ioint que la matiere grosse & visqueuse, n'y est pas propre, mais plustost faut ayder nature par toutes manie-

res d'attractifs, sinon quand la douleur est grande: laquelle faudra appaiser avec les calastiques qui eschauffent modérément, & ce pour éuiter la gangrene. Pareillement si la fluxion estoit trop grande, faut la destourner en la partie voisine, par ventouses & vesicatoires, afin d'alléger la partie oppressée, & en danger de pourriture.

De la gangrene.

A Pres les grandes inflammations s'ensuit la gangrene, qui est vne disposition de la partie à mortification, & si bien tost on ne l'arreste, elle se change en sphacelle ou syderation, qui est vne entiere mortification de la partie, ainsi qu'il a esté dit cy deuant. Et comme gangrene est vne corruption qui se faict encore, sphacelle est vne corruptiõ

ia consumée, & comme escrit Galien au chapitre neufiesme du second liure *ad Glauconem*.

Quelles sont les causes de gangrene ?

C'Est vne grãde inflammation, ou le temperament ou l'esprit est corrompu, à cause que les esprits ne peuuent reluire à la partie, pour ce qu'il y a obstruction, ou de tous les deux ensemble. Ce qu'il aduient par ligature ou venin, ou par coupeure de quelque vaisseau causé de playe, ou par medicaments corrosifs, humides, froids ou de quelque froid extreme, ou par cause interne, comme par replexion, obstruction, & grande inflammation.

Quels sont les signes ?

CE mal est cogneu en cinq manieres, la premiere par le chã-

gement de la couleur vermeille en liuide & noirastre : la seconde par l'imminution & abolition du sentiment : la troisieme par la mollesse & lascheté du membre : de sorte qu'estant pressé avec le doigt il s'enfonce facilement, & demeure enfoncé sans se pouvoir remettre, par faute d'esprit : la quatrieme par la froidure, au moins par la priuation de la chaleur naturelle : la cinquieme par la puanteur qui suit la corruption & pourriture (si la chaleur estrange y a dominé) ou apres qu'elle survient à la partie : lesquels signes s'ils augmentent & continuent longüement, la gangrene se confirme & change en sphacele, qui est incurable. Quant à la gangrene, aux ieunes gens elle est guarissable, & la curation en doit estre hastée, à cause que le mal est soudain. Comme cō-

feuille Paul Eginette au chapitre dix-neuf du quattiesme liure, mais on la doit varier selon la diuersité du mal de la partie, de la nature du patient, & des causes.

Quelle est la curation?

IL faut ordonner premierement la maniere de viure, laquelle ne peut estre tousiours vne mesme, ains conuient la diuersifier pour la diuersité des causes & des symptomes, en apres ordonner choses propres, comme la saignée & purgation, qui sont remedes generaux. Et de là venant aux topiques, corroborer le cœur, & prendre garde au foye, scarifier la partie, & la laisser fort saigner, & apres la lauer d'une eauë marine chaude, appliquant vn medicament d'oximel, sirop aceteux, farine d'orobe & d'iuraye, fa-

rine de febues & lupins: & quand la furie sera passée il faudra vser d'egyptiac: l'escarre faiët, faudra du beurre, ou d'huile rosat, iaune d'œuf, du miel, ou de la farine d'orge. Que si tels remedes ne profitent il faudra extirper le membre, faisant l'incision trois doigts par dessus la gangrene, apres inciser l'os, & finalement cauterizer, & arrester le sang par remedes conuenables. Excuse moy, si par cy-apres ie suis plus brief, tant aux remedes qu'au reste.

De l'erysipelle.

EN l'explication des tumeurs, le second lieu est donné à l'erysipelle, d'autât qu'il n'est pas de beaucoup different du phlegmon, avec lequel il a de commun, non seulement la tumeur, mais aussi la cha-

leur, selon l'opinion d'aucuns. Toutefois la verité nous apprend qu'ils different en matiere , suiet , & symptome: ce nom luy a esté baillé des Grecs.

Qu'est-ce qu'Erysipelle.

C'Est vne tumeur peu enleuée, faiëte de sang subtil, feruent & boüillant , participant de quelque portion de cholere excrementeuë, qui commence à s'eschauffer, laquelle n'exulcere seulement le cuir , ains aussi la chair, pource que la cholere estant subtile traaverse bien les parties charnuës qui s'ot rares, mais la peau ferme & espaisse la retient, parquoy il n'a point de pulsation, comme le phlegmon qui penetre plus auant dans la chair : Bref, l'erysipelle est vne tumeur non gueres eminente, faiëte par defluxion d'hu-

meurs cholériques, avec inflammation, douleur, & couleur iaune-rouge.

Argument de Galien.

GAlien au Commentaire sur le 34. aphorisme du quatriesme liure en la diuision des tumeurs, ne parle point de l'erysipelle, dont il ne doit estre mis, attendu qu'il dit, que quand la cholere fluë en quelque partie qu'elle faiët vlcere, non tumeur. Cela est vray, ayant esgard à la simple & pure cholere, mais quand il parle de l'erysipelle, disant qu'il est faiët de bile, il doit estre entendu à la façon mentionnée en la definition d'iceluy, recognoissant la bile pour sa cause. Je laisse à part que l'argument tiré de l'autorité seule & negative n'est de mise.

Quelles sont les differences?

LEs differences sont deux, comme le phlegmon, l'un est vray & exquis qui (selon aucuns) est vne affection du cuir seulement produicte de la plus chaloureuse partie du sang, selon Galien au chapitre premier du second liure *ad Glauc.* est cause d'un sang bilieux, c'est à dire de la cholere meslée avec un sang subtil ou bouillant: l'autre est non vray, meslé avec les autres humeurs, qui est faict ou de la bile non naturelle & separée du sang, ou d'icelle mesme meslée avec les autres humeurs, par le meslange desquelles l'erysipelle est surnommé phlegmoneux, œdemateux, ou scirrheux, moyennant que la bile domine sur les autres. Galien faict vne autre diuision de l'erysipelle au chapitre second

cōd du quatorziesme de la Metho-
de, disant que l'un est avec vlcere,
& l'autre non. Au premier, l'hu-
meur est plus acré & bouillante,
propre à faire vessies, & à exulcerer
le cuir, que Celse au chapitre second
tom. 8. du cinquiesme liure, appel-
le feu sacré: & de cestuy doit estre
entendu l'argument de Galien cy
dessus proposé. Au second le sang
mélé avec la cholere reprime son
acerimonie, où l'humeur bilieuse
est plus temperée.

Quelles sont les causes?

LA cause interne de l'erysipelle
est vn sang bilieux, ou humeur
cholérique redondant & trop es-
chauffé, engendré par la chaleur ex-
cessiue du foye des viandes chaudes
& acres qui s'espandent dans les
vaisseaux, & s'arrestēt soubs le cuir:

les primitives sont toutes choses qui eschauffent le foye & le sang, & augmentent la bile: Comme la chaleur, l'ardeur du Soleil & du feu, les estuues, les bains, l'exercice violent, les veilles, le vin fort, les viandes acres & espicées, & la cholere.

Quels sont les signes ?

LEs signes propres de l'erysipelle, & qui le distinguent d'auec les autres tumeurs, sont cinq: La premiere est tumeur petite, c'est à dire peu esleuée, mais de grande estendue; n'occupant que le cuir. Car d'autant qu'elle est plus profonde, elle participe du phlegmon, ou bien il n'y a point de tumeur: le second est la couleur rougeastre tirant sur le iaune respondante à l'humeur, & au toucher promptement s'esuanouyt, mais elle reuiet tout aussi

toft, pource que la matiere est subtile, & la tumeur superficielle : le troisieme est la chaleur & la fièvre, laquelle est plus grande qu'au phlegmon, à raison que la matiere est plus chaude & subtile : le quatrieme est douleur poignante & non pas tensiue comme au phlegmon : le cinquieme est pulsation qui est nulle, ou moindre qu'au phlegmon, à cause que la matiere n'est profonde, ny la tumeur gueres enlevée, dont les arteres ne sont pressées. On peut adiouster que la fièvre estant continuë, elle a ses redoublemens de deux iours l'un, ce qui est propre aux fièvres bilieuses. Il y a d'autres signes communs qui sont prins du naturel, de l'aage, du temps, de la region, de l'air & maniere de viure.

Du prognostic.

Quant au prognostic, si l'erysipelé survient aux os desnuez, il est dangereux par l'aph. dix-neuf du septiesme liure, à cause que la cholere qui est acre, ronge & corrompt les os. S'il vient à suppuration il est mauuais, par l'aphor. vingtiesme du mesme liure pource que le vray erysipelle se doit terminer par resolution: & s'il seppure il est meslé, & plus rebelle, participât du phlegmon: s'il s'en retourne dedhors au dedans, c'est mauuais signe, par l'aph. vingt-cinq du 6. liure, car il vaut mieux que telle matiere acre soit poussée dehors: S'il vient à l'amarry de la femme enceinte, il est pernicious par l'aphor. quarante trois du sixiesme liure, pource qu'il la faict auorter. Or

combien qu'il puisse assaillir tout le corps, le plus souuent il monte au visage à cause de la legereté, subtilité, & chaleur de la bile : auquel lieu il est dangereux (s'il occupe grand' espace) pour la crainte de suffocation & voisinage du cerueau.

La curation.

LA cure est double ; car il faut auoir esgard à ce qui fluë, & l'empescher, ainsi que nous auons dit au chapitre du phlegmon, & à ce qui est desia fluë en l'euacuant. Rien est vray qu'en ceste maladie il faut plus refrigerer & estuuer qu'au phlegmon : Ce qui s'accomplira par la maniere de viure refrigerente & humectante, à cause de l'humeur chaude & seiche, que de l'inflammation és fieures bilieuses qui l'ac-

compagnent, que par les remedes ensuiuans, comme solan, vnguent rosat, & semblables : & quand on void que la chair se change, il faut cesser & appliquer vn cataplasme de farine d'orge. Que si l'on auoit trop refrigeré, & que le cuir fust noir, il le faudra scarifier, puis former d'eauë chaude salée, & à la fin appliquer le cataplasme susdit, auquel sera adiousté du vinaigre : touchant la saignée acré, dit qu'il faut saigner si le sang abonde, & purger si c'est la cholere.

De herpes.

Sous l'erysipelle sont comprins les pustules choleriques, que le vulgaire nomme dartres, pource qu'à la mode du herpes (qui signifie eschambouliere & feu sauuage) elles

grimpent, se rampent, & traînent d'une place à l'autre. Auicenne les appelle formis, à cause de l'érosion piquante qu'elles font. Celse les a enclôses sous le nom de feu sacré: Auicenne nombre l'herpes entre les tumeurs pustuleuses. Hippocrates aux pror. & Galien au quatriesme de la Methode chapitre dix sept, entre les vlcères.

Qu'est-ce que herpes?

Pour nous maintenir en paix avec les susdits auteurs, nous dirons que c'est vne tumeur bilieuse avec vlcère rongeur, ou pustules seiches accompagnées de prurit, punction, ardeur apportant inégalité & rudesse au cuir, & rougeur pallissante non gueres éminente, de laquelle définition tu amasseras les signes.

Quelles sont les differences?

QVant à ses especes, les anciens n'en sont pas bien d'accord, lesquels pour ceste heure laisserons reposer. Prenant seulement Galien, non au liure des tumeurs, où il n'en fait que deux, à sçauoir l'herpes, & miliaris, & non plus : Mais bien au second liure *ad Glauconem*, chapitre premier, & au chapitre sixiesme du quatriesme liure, où il en faiët trois differences. La premiere est l'herpes simple, qui est faiët d'une cholere plus subtile & moins acre : la seconde est l'estiomene, c'est à dire, rongant le cuir & la chair au dessous, faiët de cholere plus acre & mordicante, qu'aucuns ont appellé feu sauage, Or ces deux peuuent estre reduictes en vne, pource qu'elles n'ont qu'une mesme matiere, plus

ou moins acré : la troisieme est l'herpes miliaris fait de cholere assez subtile, meslée avec vn peu de pituite, & ainsi nommé, à cause qu'il a des petites bubes semblables aux grains de millet.

Quelles sont les causes ?

LA cause des deux premieres especes est la seule cholere excrementeuse, & non-naturelle separée du sang, ou corrompue & bruslée, laquelle penetre les parties charnuës, & la peau mesme iusques à l'epiderme, où estant arresté elle ronge le cuir & l'ulcere. La cause du miliaris est la cholere meslée avec la pituite, qui la rend plus grossiere & moins acré : Auicenne dit, qu'il ne se faut estonner si quelquesfois on trouue l'herpes rebelle aux medecaments, pource qu'il peut estre fait

de bile meſſée avec le ſuc melancho-
lique: & par ainſi de tardiue reſolu-
tion.

Quelle eſt la curation?

OR en la curation des trois eſ-
pèces d'herpes il y a trois in-
tentiōs. La premiere eſt de deſtour-
ner la matiere peccante par purga-
tions conuenables, clyſteres, fri-
ctions, diuretiques, qui avec les
vrines euacuent vne bonne portion
de la bile. Quant à la phlebotomie
ellen'eſt pas neceſſaire, ſi le corps
n'eſt pas trop plethorique, & le
foye trop eſchauffé: la ſeconde
eſt de temperer la chaleur du foye,
& l'acrimonie de l'humeur par vne
maniere de viure refrigerente, &
par apoſzemes de ſemblable faculté:
la troiſieſme conſiſte en l'vſage des
topiques, qu'il faut diſtinguer ſelon
le temps & qualité de la maladie. Et

attendu que herpes est vlcéré avec tumeur, il est requis qu'il ait deux indications curatives: l'une pour la tumeur, qui est euacuatiō de ce qui affluē, comme nous auons desia dit: l'autre est desiccation, à cause de l'ulcere, sur lequel on appliquera les remedes qui digerent la tumeur en desseichant l'ulcere. Ce qui se faiēt par sommités de troncs de vignes & de plantain. En après on y pourra adiouster du millet, de la farine d'orge, l'escorcé de grenade & de sumach cuittes en vin. Que s'il y suruient quelque accident on y pouruoirā comme a esté cy-deuant dit. Au miliāris on purgera aussi la pituite qui est avec la bile, & d'autant qu'il est cutanée il n'a besoin de si forts remedes: car aucunesfois la salive de l'homme à ieun le guarist, ou la saumeure du poisson, ou la deco-

ction de parelle salée, ou le suc des limassons rouges avec du sel, ou l'vnguent enulat, ou autre semblable faict avec ius de plantain & de parelle, & des limons & vinaigre fort cuits en beurre salé, adioustant sur la fin de la ceruse, de l'alun, & abtres, ou bien l'vnguent sera faict au mortier de plomb, meslant & agitant le tout ensemble avec vn pilon de mesme.

De l'œdeme.

COMME le phlegmon est fait du sâg, l'erysipelle de la bile naturelle, l'œdeme aussi est faict de la pituite naturelle. Le nom d'œdeme est vn mot general qui se prend en Hippocrâtes pour toute tumeur, ainsi que tesmoigne Galien sur le prognostic 25. du premier liure: mais en ce lieu il est prins particu-

lièrement, comme nous dirons en le definissant.

Q'est-ce qu'edeme?

C'Est vne tumeur froide avec
Clascheté & mollesse, exempte
de douleur, n'ayant chaleurny rou-
geur: & sa couleur est, ou naturelle,
ou blancheastre, elle s'abaisse en
pressant le doigt dessus, & ne rele-
ue point.

Quelles sont les differences?

O Edeme a deux especes, car
i vn est vray qui s'engendre
du phlegme naturel, ou comme ali-
ment à demy cuit, ou comme sang
crud, lequel ne peut estre totale-
ment séparé des autres humeurs,
combien que le sens n'y apperçoie
aucun meflange, ou comme d vn
excrement pituiteux qui abonde és

cacochimes crapuleux, vieux, oy-
sifs, aux parties froides, glandeu-
ses, nerueuses, lasches, & desnüées
de sang, comme les ioinctures. L'au-
tre est nom vray qui prouient du
phlegme non naturel, non par chan-
gement de sa substance, mais par le
mellange des autres trois humeurs,
dont il est surnommé phlegmo-
neux, erysipellateux, & scirrheux, si
le sang, la cholere, ou le suc melan-
cholic domine avec le phlegmon. Il
ya d'autres œdemes qui viennent
és pieds, és iambes des phtisiques
hydropiques, mais se font des sym-
ptomes seulement d'icelle maladie:
ainsi que Galien escrit au liure se-
cond *ad Glauconem*.

Quelles sont les causes?

OR combien que rarement l'œ-
deme prouienne de cause pri-

mitiue , attendu le tardif mouuement de l'humeur , si en peut-il venir quelquefois , comme le coup , ou concussion , laquelle esmeut la fluxion , & rend la partie debile : & tel œdeme est pl^r douloureux que l'autre. La cause antecedente est abondance d'humeurs phlegmatiques , qui prouiennent de la matiere , d'oyfueté , des viandes excrementeuses , & d'une maniere de viure desreglée. La conioincte est la mesme humeur ia attachée à la partie œdemeuse , soit où par fluxion , ou par congestion des excremens pituiteux , qui s'amassent peu à peu es parties debilitées.

Quels sont les signes ?

LEs signes sont cinq. Le premier est , que la tumeur est grande ordinairement à cause de la

quantité de l'humeur : le second la couleur blancheastre, ou semblable au cuir : le troisieme, il n'y a aucun sentiment de chaleurs s'il n'est phlegmonique, ou faiet de coup : le quatrieme, la tumeur est molle & lasche : tellement qu'estant comprimée elle s'enfonce, & la marque du doigt y demeure à cause de l'humidité : le cinquiesme, il n'y a aucune douleur, ou bien peu en comparaison des autres, pource que l'œdeme se faiet peu apres. Et pour faire douleur, la mutation doit estre soudaine & vehemente.

Comment se termine l'œdeme ?

A Pres que le mal est cogneu, il faut observer qu'elle sera la fin : de sorte que ceste tumeur se termine le plus souuent par resolution, principalement en ceux qui ont la
chaleur

chaleur forte, la matiere plus subtile, & le cuir rare, mais non si tost que le phlegmon à cause de sa froidure. Quelquefois suppure, & bien rarement & difficilement, & ce tant seulement aux parties chaudes, & ieunes personnes, entant qu'elle participe du phlegmon. Et aucune-fois l'œdeme se change en pourriture, & le plus souuent il s'endurcist quand le phlegme est gros & visqueux & la chaleur debile, ou quād le plus subtil est dissipé par quelque chaleur exterieure.

De la curation.

LA curation consiste en deux sortes de remedes, dont les vns sont generaux, qui repriment & arrestent la fluxion, comme la saignée & la purgation. Quant à la saignée, ne semble auoir lieu en telle crudité

d'humeurs, si ce n'est que l'œdeme soit phlegmonneux, ou le corps pletorique & encore doit elle estre faite en petite quantité, & avec bon conseil. Pour la purgation elle est du tout necessaire, afin d'euacuer la cacochimie qui est fort frequente en telles tumeurs: la maniere de-viure tendant à l'eschauffer & desseicher serui a de beaucoup pour arrester la fluxion. Apres la purgation vniuerselle, le cerueau sera deschargé par errhines & masticatoires. Si l'œdeme occupe les parties basses & inferieures, le vomissement est vtile pour faire reuulsion, les autres remedes sont topiques. De maniere qu'apres la purgation faite par les phlegmagogues, on appliquera les repercussifs, si la fluxion se faiët, & les remedes qui digerent & desseichent comme vne esponge trem-

péc en vinaigre & eauë , & apres la bien bander. Que si elle ne s'euacue, on pourra adiouster dans l'oxicrat vn peu d'alun, prenant vne nouuelle esponge & ligature, ou l'esponge trempée en l'oxicrat & lixiue avec nitre : mais en l'estat faut oindre la partie d'huile rosat, puis appliquer l'esponge trempée en lixiue faict de cendres de ferments, ou bien y mettre vn liniment faict d'alun, soulfre & mirrhe, sel, huile rosat & vinaigre. Si l'œdeme tend à suppuration, il faudra le traicter comme vne aposteme, & lors qu'il y aura ouuerture, comme vn vlcere.

Que faut-il faire à l'œdeme accidental des hydropiques & phtisiques ? Il faut seulement le pallier avec huile rosat & vinaigre, sans attendre la vraye cure.

*De la tumeur flateuse ou
venieuse.*

Sous l'œdeme sont comprises les tumeurs venteuses, aqueuses, & les abcés phlegmatiques, desquelles nous traicterons le plus briefuement que nous pourrons, commençant par l'euphyceme, c'est à dire aposteme venteux.

Quest-ce qu'inflation?

C'Est vne tumeur contre nature, laquelle se faiçt pour lors qu'il s'assemble ou conccrée vn esprit flateux, tantost sous le cuir, tantost les membranes, qui sont espâchées autour des os, ou à celles qui couurent les muscles.

*Quelles sont les causes d'in-
flation?*

TRois. La premiere est la matiere, c'est à dire, vne abondance

de pituite, crasse, visqueuse, & toute crudité & humidité superflüe: la seconde est la cause efficiente, à sçauoir l'imbecillité de la chaleur naturelle, laquelle suscite vne vapeur de la matiere humide qui ne peut digerer, consumer, ny resoudre, témoin Galien au chapitre second du troisieme liure des maladies & symptomes: la troisieme est la maniere de viure mauuaise, appellée coadiuuante: la densité du cuir, la profondeur du lieu, & l'obstruction des pores & vaisseaux: comme escrit Eginette au chapitre vingt-huictième du quatrieme liure.

Qui sont les signes ?

LEs signes pour recognoistre ceste tumeur, sont ceux qui la distinguent de l'œdeme, auquel elle ressemble en grandeur, froideur, &

blâcheur, mais differe d'auecluy en ce qu'elle est plus cuisante & legere, & estant pressée des doigts ne retient la marque d'iceux, ains resiste à la compression, & si on la frappe elle resonne comme vn tabourin : plus la douleur est tensiue & constante, à cause du vent muable qui court cà & là, & de part en autre.

La curation.

LA curation a deux intentions. La premiere gist en l'euacuation de la cause antecedente par vne bonne maniere de viure, & corroboration de l'estomach : la seconde est d'attenuer l'humeur qui est grossier & visqueux en rarefiant le cuir : & apres euacuer telle humeur par la fomentation faicte de la decoction d'absynthe, hyslope, ruë,

centaure, thin, origan, calament, semences chaudes d'anis, fenoil, & autres semblables fleurs de camomille, anet, romarin, de stœcas en eauë & vin, avec vne esponge. Les sachets secs faits de millet, son, sel, semences chaudes, torrefiées, les liniments des huiles d'anet, de ruë laurin, nardin avec poiure & cloux de girofle, semences chaudes & cire: le cataplasme des farines des lupins, orobes cuittes en lexiue de sarmet, avec souffre, poyure, sariette, terebentine, & huiles cy-dessus mentionnées, & autres remedes.

*De la tumeur aqueuse, definition,
& especes?*

Comme l'eau est reduite au phlegme, ainsi la tumeur aqueuse est nombrée entre les œdemes, pour l'affinité, tant de la ma-

tiere que du temperament. Or ceste tumeur est faicte d'une serosité assemblée ou espandue d'ailleurs en quelque partie, dont deriuent diuerses tumeurs, lesquelles ont des noms propres en quelques endroits: Comme en la teste hydrocephale, au ventre hydropisie, nommée *ascites* des Grecs, des Latins *utricularis*, en François Bouteilliere, qui est vn amas d'eauë en la capacité du ventre inferieur: aux bourses hydrocele, hernie aqueuse: à l'ombilic hydrophale: ailleurs on les appelle du nom commun.

Des causes.

LEs causes communes sont vne maniere de viure refrigerente, excès au boire, & principalement de l'eauë, l'imbecillité & froidure qui engendrent vn sang aqueux. La

foiblesse ou obstruction des reins, qui n'attirent pas bien la serosité, le refroidissement de la partie malade qui ne cuit pas bien son aliment, ou densité & opilation d'icelle, dont l'euacuation des excrements est empêchée. Quant à l'hydrocephale, Eginette au chapitre troisieme du cinquiesme liure dit, qu'il se faiët aux enfans par resudation de la serosité hors des veines, ou compression de la teste. L'ascites prouient de la refrigeration du foye, par la suffocation, dissipation, ou extinction de la chaleur naturelle. L'hydrocelle est quelquefois symptome de l'hydropisie, aucunesfois elle suit l'imbecillité ou froidure de la partie.

Des signes.

OR ceste tumeur est distinguée de la venteuse, par la pesan-

teur, lascheté, inondation de l'œdeme, par luy seul, en ce qu'elle ne retient point le vestige du doigt qui presse. Au demeurant, il n'y a point, ou fort peu, de tumeur aqueuse, qui ne soit participante de quelque vésosité, à cause de la chaleur debile qui excite tousiours des vapeurs de l'humidité. Ceste tumeur est pire que la venteuse, à raison que l'eau procede de plus grande froidure, comme le vent ou pituite. Ainsi le tesmoigne Galien sur l'Aphor. onzième du quatriesme liure.

La curation.

LA curation Chirurgicale sera, ou par section ou punction, ou perforation en la partie par où s'enfuira l'humour, selon le conseil d'Eginette: les remedes internes seront prescripts par le Medecin, pour em-

pêcher la génération de telle humeur.

Des abcés phlegmatiques.

Toutes les autres tumeurs qui prouiennent du phlegme gros & mucilagineux, endurcy ou changé en quelque autre substance, sont appellés abcés phlegmatiques, pour ce que leur premiere source est le phlegme, lequel est retiré en vn espace, & bien souuent enuelopé en vne tunique.

Que sont les differences ?

Des abcés phlegmatiques il y a plusieurs differences. Galien au chapitre douziesme du quatriesme liure de la Methode, en faiët trois especes, qu'il nomme *Steatome*, *Atheromen*, & *Meliceris*, de la semblance de l'humeur que ces ab-

cés contiennent : Le steatome est vne tumeur dans laquelle est contenuë certaine humeur grasse semblable à suif , estant enuveloppé d'vne membrane.

L'Atherome prend son nom de la bouïllie , que les Grecs nomment *Athera* , à cause qu'il contient vne semblable matiere.

Meliceris est vne tumeur , dans laquelle il y a de l' humeur contenu semblable à miel , enuveloppé d'vne membrane : Ces abcés changent de nom en quelque partie , car en la teste le meliceris est appellé Tortuë pour la figure. L'atherome est dit Taupe ou Taupiere , à cause de l' humeur gros qui creuse entre le cuir & le pericrane , ainsi que faict la Taupe entre deux terres. Au col le phlegme adipeux , ou meslé , ou semblable à la bouïllie , est cause du brou-

chocele ou goitre, ainsi nommé de la partie, comme escrit *Æce* au chapitre 6. du cinquiesme liure: Et neantmoins tant aux goitres, qu'és autres tumeurs semblables, il se trouue quelquefois vne chair stupide, comme escrit *Celse* au chapitre treiziesme du septiesme liure, ou des matieres estranges: à sçauoir des os, du poil, des escailles, du fable, & autres selon que la matiere est diuersifiée en son changement.

La louppe des modernes qui occupe le plus souuent les parties seiches & nerueuses, est faite d'une mesme matiere, de laquelle aucuns font trois especes, vne molle & humorale, l'autre charneuse faicte d'une chair lasche & insensible par vne abondance de sang phlegmatique: la troisieme est noüeuse, qui est bien plus dure que le nœud: Car

c'est vn tubercule dur & immobile qui vient aux ioinctures, comme en la goutte enuieillie d'un phlegme endurcy au mesme os; comme en la verolle, combien que de Vigo nomme cestuy-cy nodosité : Tant y a que le nœud est different du ganglion, lequel ne vient qu'aux parties nerueuses d'un humeur gros & froid, qui s'amasse peu à peu en la partie debile, & s'entortille autour le nerf ou tendon. Quant à la glande, ce n'est autre chose qu'une glande mesme de quelque emontoire abreuvée d'une humeur crüe & tumefiée, mais au demeurant molle, mobile, separée des parties voisines.

Des causes.

IL est evident & manifeste que la cause commune de toutes ces tu-

meurs est vn excrement phlegmatique, glaireux, limonneux, fiché & endurcy, meſlé quelquefois avec d'autres humeurs, ou changé en diuerſe ſubſtance : lequel prouient du mauuais regime ou intemperature du malade, ou de l'vſage des eaux froides & viandes pituiteuſes, ou de l'imbecillité de la partie, laquelle eſt renduë debile, ou par maladie interne, ou de quelque cauſe externe, comme d'un coup ou contuſion.

Des ſignes.

QVant aux ſignes, Acec dit au lieu allegué, que l'atherome eſt vn abcés long & eminent, ne cedant facilement quand on le preſſe & ne ſe releue pas ſi toſt qu'il eſt preſſé. Le meliceris eſt plus mol & laſche, de plus grande eſtenduë : le

steatome est le plus dur de tous, & refractaire, sans douleur, & semblable en couleur à la peau. La louppe est dure ou molle, presque toujours ronde; assiegeant le plus souvent les parties nerveuses, dures, & seiches: le nœud est dur, rond, & immobile. Le ganglion est semblable de couleur à la peau, inégal, & sans douleur, si on le presse.

La curation.

LA curation de toutes ces différences d'abcès est comprise en deux sortes de remedes, dont les vns sont communs qui appartiennent à la matiere antecedente, si aucune en y a, comme le regime de viure declinant à chaleur & seicheresse: La purgation par medicamêts phlegmagogues, & principalement par pillus, les diuretiques, sudorifiques,

ques , les bains naturels, comme d'eau sulphurée & alumineuse. Qu'at à la saignée elle est dommageable, s'il n'y a plénitude, fièvre, ou inflammation : toutesfois en la Tortue & Taulpe on peut saigner pour éviter la corruption du crane, qui est à craindre, comme aussi és loupes charneuses & grandes, pour empêcher leur croissance. Après l'évacuation vniuerselle, le cerueau sera purgé par errhines & masticatoires: & son intemperie froide corrigée par coiffes cephaliques, sans mespriser l'estomach, premier instrument de la concoction.

Le second genre contient les remedes propres à la partie affligée, qui sont compris en six preceptes. Le premier est des excroissances petites, molles & tendres en partie ferme, qu'il faut

esteindre, rompre & desseicher, les frotant souuent, à tout le moins iusques à ce qu'elles soient eschauffées & ramollies, puis les presser rudement avec vne petite piece de bois pour la faire esclatter. Finalement la tumeur estant deschirée, & la matiere esparse, appliquer par dessus vne platine de plomb frottée d'argent vif, laquelle sera liée estroitement afin que l'absces ne pullule. Acee ramoliet deuant le ganglion avec l'ammoniac, puis le serre avec la lame de plomb, & apres qu'il est ramoly le presse avec le doigt. Eginette met dessus les remolitifs vn pesson de plomb large & pesant, afin qu'à la longue il le consume. Le second est des absces grands qui ne sont beaucoup durs, ny enuieillis, qui se peuuent resoudre comme le meliceris, selon Galien au quator-

ziesme de la Methode chapitre douziesme: & quelquefois le steatome (si on doit croire Aece au chapitre huiëtiesme du treiziesme liure) quoy que Galien le nie. Lequel dit que pour ramollir & resoudre conuiennent le diachile, ireat, & le grand, & l'emplastre des muchilages de melilot, le cerat de philagium, emplastre de Vigo avec mercure, ou quelque autre faiët expres des gommés d'ammoniac, bdelium, & sagapenum destrempez en vinaigre scilitic, galban, terebentine, styrax, labdanum, graisse d'oye & huile vieux, ou laurin. On y pourra adiouster de l'euphorbe pour liquesier la matiere, ou faire aussi des cataplasmes des racines de couleurée, guimauues, cyclamen, concombre sauage, hyebles, fugiere, flambes, serpentaire, fueil-

les de suzeau cuittes en oximel, en adioustât du suc d'hiebes, des choux & des flambes, mucilages de lin, fœnugrec, graisse d'oye, moëlle de cerf avec huile de flambes & de suzeau, fiente de cheure, farine d'orobe pour la consistance. Le troisieme est des absçés plus benins qui participent du sang, lesquels peuvent suppurer, comme Galien tesmoigne des melicerides & atheromes. Pour ce faire il faut choisir des calastiques qui mitifient la matiere conrumace à la resolution. Comme le grand diachile, & le cataplasme faict des racines de lys & guimauves, & autres semblables.

Le quatrieme est touchant l'incision, laquelle se peut faire és petites loupes, glandules, & autres absçés traictables qu'on vnit en la maniere que décrit Paul Eginette

au chapitre trente-huictiesme du 6. liure, où il commande de faire au cuir vne incision simple & cruciale; puis de separer l'absces d'auec sa tunique, le couper & tirer dehors: ou s'il y auoit danger de flux de sang, le lier en sa racine, & le laisser tóber de soy-mesme: & si l'aimorrhagie suruient faut l'arrester, & lier le vaisseau. Si apres l'extirpation il y demeuroit de la tunique, on la consumera avec les choses corrosiues.

Le cinquiesme est des castiques & cathartiques, lesquels rongent l'absces, & consomment quand il est profond & immobile, & qu'il ne peut estre arraché. Doncques apres auoir faiet le cautere & l'incision, & que l'escarre sera cheute, on vsera de la poudre d'alun brulé, ou d'antimoine calciné, ou d'aphodelles, ou du mercure, ou du calcâthum, &

de l'egiptiac , pour consumer toute la matiere de l'absçés , puis l'vlcere sera detergée & consolidée comme les autres.

Le sixiesme est des absçés qui ont la racine gresse , laquelle on peut lier avec vne cordelette , comme on faiët aux verruës pandillantes , & le serrer peu à peu , iusques à ce que l'absçés tombe de soy-mesme.

Des escroüelles.

DV phlegme sallé , pourry & corrompu , s'engendrent les scrophules, ainsi nommées de la fécondité des truyes , que les Latins appellent *Scrophas* , ou pource qu'elles leur sont familières : tesmoin Plin au chapitre cinquante & vn du huitiesme liure. Or sont ces glandes mesmes abbreuées de ce-

ste humeur phlegmatique , & endurcie , selon Galien au chapitre second du quatorziesme de la Methode, ou des tumeurs glandeuses engendrées de phlegme, enuelpée d'une propre tunique en maniere de glande: lequel par pourriture acquiert quelque chaleur, acrimonie, & malignité: s'il y a du mélange de l'atrabile elles deviennent chancreuses, & bien souuent l'acrimonie de l'humeur est cause qu'elles degenerent en vlceres.

Que sont les differences?

Les differences sont prinſes premierement du nôbre, car quelquefois il n'y en a qu'une, le plus souuent elles sont plusieurs arrangées ensemble: la seconde de la grandeur, dont les vnes sont petites, moyennes, ou plus grandes: la

troisieme de la situation & complicatiō: car les vnes sōt superficielles, les autres profondes: quelques vnes ont des veines & arteres entrelasfées, d'autres non: qui faiēt que les vnes sont mobiles, les autres enracinées: la quatrieme, de la nature, & des symptomes: d'autant que les vnes sont plus benignes & traiētables, sans douleur & inflammation, les autres plus farouches & malignes, douloureuses, inegalles, chancreuses, lesquelles s'empirent par les remedes: le cinquiesme du lieu: Car bien souuent elles occupent le col, les aisselles, les aines, à cause des glandes qui sont là, selon Acee au chapitre vingt huiētiesme du cinquiesme liure, & mesme n'espargnent les autres parties: comme le bras, la poiētrine, & le mezentere,

Des causes.

LA cause commune de toutes est l'abondance des grosses humeurs froides & visqueuses, jointes quelquefois avec humeur melancholique. Parquoy gens oyssifs & gourmands, & ceux qui vsent des viandes froides & humides, & boyuent des eaux froides & cruës, sont subiets aux escroüelles : Comme aussi les natures humides, selon Auicenne au chapitre neufiesme, traité second, fen troisieme du quatriesme liure, & les enfans plus que les autres, par l'aphor. vingt sixiesme du troisieme liure : aussi elles sont plus douces & faciles aux petits enfans qu'aux hommes, selon le mesme Auicenne. Quant au lieu, les superficielles sont plus aysées à guarir que les profondes : & celles qui vien-

nent au col, que les autres, les petites plus que les grandes, les benignes plus que les enflammées selon Acec. Les malignes sont du tout incurables, tant pource qu'elles sont chancreuses, qu'à raison des vaisseaux qui les entrelassent, dont leur extirpation seroit dangereuse pour l'aimorrhagie.

De la curation.

LEs plus benignes se peuvent guarir au commencement par deux sortes de remedes, à sçauoir par les communs & les topiques. Les communs sont la maniere de viure chaude & seiche, sobre, l'exercice, les bains naturels, les purgations par medicamens phlegmagogues, les diuretiques, les sudorifiques, sans qu'il soit besoin de saignée, s'il n'y a chaleur ou pourriture.

Plus les antidotes qui roborent les parties nobles , & resistent à la malignité.

Les topiques , selon Galien , doiuent estre remolitifs & resolutifs : comme le diachile, ireat, le cerat de philagium , l'emplastre de Vigo avec mercure, ou autre composé avec mucilages , de guimauues & fœnugrec, axunge de renard & d'oye, ammoniac , stîrax , ladanum , & terebentine , huile de flambe & cire autant qu'il en faut , ou le cataplasme des farines de lin , & lupins cuittes en oximel, des racines de couleurée, glayeul , aristoloche , serpentaire, flambles , fueilles de scrophulaire, philipende , fleurs de suzeau & de camomille , grains de lin & de cumin , & baces de geneure : le tout cuit en oximel. Guidon recommande vn cataplasme des racines de fœ-

nugrec, d'asphodelle, & d'hyebles cuittes en vin, adioustant vn peu de soulfhre. Auicenne vse de la fiente de bœuf frite en vinaigre, graisse de porc, & huile vieux.

Si les escroüelles plus benignes & non vlcerées tendent à suppuration (ce qui aduient rarement) il faut l'ayder, selon le conseil d'Acce avec le cataplasme des racines de lys & guimaues, & autres semblables, & apres qu'elles seront rompuës, il n'y a rien de meilleur pour les deterger, que l'vnguent des apostres, & pour les consolider, que le diapalme, quād elles seront enuieillies, & neātmoins guarissables. La plus briefue curatiō se faiēt par Chirurgie en insizant la peau de loin, au col de trauers, aux aisselles, & aisnes simplement, si la tumeur est petite, ou en fucille de meurre, si est plus grande. Puis a-

pres auoir separé doucemēt les vaisseaux, on arrache toute la glande, moyennant qu'elle ne soit emphiltrée avec les vaisseaux, & que les parties nobles soient saines. Apres l'operation s'il y a flux de sang on l'arreste, autrement on remplit la playe de charpie & d'encens. Iusques au troisieme iour on la bassine d'huile & de vin, & la faiēt-on en aptes supputer, poursuivant le reste de la curation comme és autres vlceres.

Du scirrhe.

L'Autre espee des tumeurs froides est le scirrhe. Galien au chapitre neufiesme du liure des Tumeurs, escrit qu'il se faiēt ou dés le commencement, ou par succession & changement.

Qu'est-ce que scirrhe?

C'Est vne tumeur dure, sans douleur, peu ou point de sentiment engendrée d'humeur melancholique. L'antiquité luy a donné ce nom à cause de sa dureté.

Qui sont les différences, & combien?

Deux, selon Galien au chapitre quatriesme du second liure *ad Glauconem*, dont l'un est exquis qui est confirmé insensible, & incurable, & l'autre non exquis, qui a quelque sentiment, & comme il ne fait que commencer il se peut guarir.

Qui sont les causes?

OR le sang espais & terrestre s'amasse, tant par les causes primitives, comme soyn, tristesse, &

vſage de viandes groſſieres , que par les internes, à ſçauoir intemperie de foye , idoine pour produire telle humeur feculante , debilité & obſtruction de ratte, dont elle ne peut attirer le ſuc melancholique , ſuppreſſion des menſtruës , & hemorrhoides. Le ſcirrhe, illegitime eſt de deux ſortes : l'vn ſe faiët par le meſlange du ſang, de la cholere, du phlegme, ou de l'atrabile avec le ſuc melancholic. Ceſtuy eſt ſurnommé phlegmonneux, cryſipellateux , œdema-teux , ou chancreux , l'autre prouiët de tout humeur eſpaissi , quel qu'il ſoit. Car, comme teſmoigne Galien, au chapitre 4. du troiſieſme de la Methode , tout humeur eſpais eſt aucunement melancholique. Qui eſt la cauſe que Galien eſcrit au chapitre 9. du cinquieſme liure des Simples, que le ſcirrhe eſt engendré

ou de pituite , ou de melancholie,
ou de l'vne & l'autre meſlées enſem-
ble.

*Tout ſcirrhe eſt-il touſiours faiçt
comme on vient de dire ?*

N On , car il y en a d'autres qui
ſe font par induë adminiſtra-
tion des remedes : comme pour a-
voir repercuté vn phlegmō , & trop
refrigeré vn eryſipelle , & pour auoir
vſé des reſolutifs trop vehemens ,
qui ont exhalé le plus leger & ſub-
til , & eſpaissi le plus terrieſtre en la
partie.

Qui ſont les ſignes ?

T Outes ces eſpeces de ſcirrhe
conuiennent en ce qu'elles ont
deux ſignes communs , à ſçauoir
dureté , avec tenitence & ſentiment
ſtupide. Sa dureté vient d'vne ma-

tiere crasse endurcie , la stupidité vient de l'humidité visqueuse qui estouppe les conduits des nerfs , & ferme le passage à l'esprit animal, qui faiet que le scirrhe n'est point douloureux , iasoit que la cause de douleur y soit. Aufquels signes on peut adjouster la couleur liuide quand le scirrhe est causé d'humeur melancholique , ou blancheastre, comme s'il est faiet de phlegme , ou des deux ensemble. Dauantage sa partie est froide si l'humeur n'est aduste, les veines sont tenduës à l'entour , à cause de l'humeur qui les dilate, & le scirrhe est confirmé, & y a priuation de sentiment.

Du prognostic?

LE scirrhe apparroist petit au commencement , croist fort lentement , & en fin deuient fort grand.

Il s'arreste ordinairement aux parties froides, glandeuses quelquefois aux muscles, mais le plus souuent il se campe au receptacle de l'humeur melan-holique, & au foye, à cause de l'angustie des vaisseaux, comme escrit Galien au chapitre seiziesme du treiziesme de la Methode. Au commencement il peut estre empesché, mais après qu'il est faict il se termine par resolution, à cause de la matiere terrestre qui n'est point apte. Quelquefois il se conuertist en chancre, quand l'humeur est chaude, ou est meslée avec l'vne ou l'autre bile, ou quand la tumeur vient à suppuration. Le plus souuent il demeure endurcy, rebelle, ne cedant à pas vn remede. Que si le poil du membre vient à cheoir par faute de nourriture, on le iuge incurable.

La curation.

LA curation de celuy qui peut la recevoir consiste premierement à ordonner le regime de viure conuenable : comme des aliments de bon suc & bonne substance, modérément chauds & humides, éuitant les salez, acres, fiateux, visqueux, grossiers, & semblables. Secondement à bien purger le corps par les melenagogues, ayant auparauant préparé le corps, regardant s'il est delicat ou robuste pour vser des emolients qui sont nombrez entre les topiques, attendu que les natures delicates veulent des remedes moins chauds que les robustes. Si tu me demandes des emolients, ie te renuoiray à la graisse de geline ou de coq, moüelle de cerf, de veau, d'oye, taureau, cheure, de bouc,

ammoniac, styrax, calament, galbanum, bdellium, huile sambin, suzeau, les racines du concombre sauvage, les guimaues cuittes en eauë & huile, rejettât les astringens qui incrassent la matiere, & la rendent plus tenace: Les resolutifs trop violents pource qu'ils euaporent le subtil, & endureissent la partie plus crasse par leur siccitté. Et aussi les trop humides, lesquels au lieu de résoudre l'humeur ils la corrompent: mais bien recourir aux emolients qui eschauffent & digerent legèrement, ainsi que nous auons dit cy-dessus. Et si le scirthe estoit au tendon, il faudra le guarir avec vn parfum de vinaigre ietté sur les pierres de meulles de moulin, qui seront rouges.

Du chancre.

Comme le scirrhé est fait de suc melancholic retenant encore sa temperature : ainsi de mesme suc bruslé prouient le chancre nommé en ceste maniere, à cause de sa tenacité qui le faiet adherant au membre qu'il a saisi : comme le chancre marin retient fermement ce qu'il accroche, ou à raison de la figure qui est ronde avec les veines enflées à l'entour, comme pieds du chancre, ou pource qu'en rongant il se traine comme faiet le poisson, selon Eginette au chapitre vingt sixiesme du quatriesme liure : Guidon a suivy l'opiniõ d'Aece & d'Eginette qui l'ont mis entre les tumeurs chaudes : toutesfois Auicenne le met entre les froides. Galien en diuers lieux faiet & l'un & l'autre : Pour le concordat

de ces opinions , nous dirons que l'humeur attrabilaire , matiere de chancre , pendant qu'elle brulle est chaude . & apres l'assation & bruslement est froide. Ou bien nous respondrons, Que si on a esgard à sa substance terrestre & temperature qu'il est froid , mais par accident il est chaud , à raison de la vertu occulte & empireume , receuant quelque chaleur & acrimonie , comme la cendre apres estre bruslée.

Qu'est-ce que chancre.

C'Est vne douleur dure , inegale , bordée de veines enflées & groües , de sang de couleur liuide , ou tirant sur le noir , assistée de fascheuse douleur , par fois de chaleur.

Qui sont les especes , & combien?

IL y en a deux especes : L'un manifeste qui est vlcéré, horrible à voir, prouenant de la colere iaune, la plus acre & furieuse de toutes les humeurs : l'autre qui n'est point vlcere que l'on nomme Caue, qui est faict d'une humeur grossiere fœculente, à sçauoir d'un suc melâcholic bruslé. Ceste tumeur quand elle commence à venir, le vulgaire ne la recognoist pas, tant elle est petite : & de faict n'est pas plus grosse qu'un poix, avec quelque inegalité, chaleur, & douleur poignante. Bien tost apres elle deuient grosse comme une febue, une noix, un œuf, croissant tout à coup en grandeur tres ample, lors il est aisé de distinguer le chancre du scirrhe : Car outre la subite croissance, le chancre

est cogneu par quatre signes.

Des signes.

IL ne seroit ia besoin de faire autre discours touchant les signes, attendu qu'on les pourroit recueillir de la definition: Toutesfois ie te diray que le chancre est cogneu par quatre signes. Quant à la consistance dure, & couleur brune & noirestre, est commune au chancre & au scirrhe, mais la forme inegale, l'enfleure des veines voisines, & liuidité, la chaleur & douleur poignante, sont propres aux chancres. Ce mal est si farouche qu'on ne le peut guerres dompter, ny par vacuations, ny par topiques, tant est grande la malignité de l'atrabile, laquelle neglige les medicaments plus benins, & s'empire par les plus forts, tescmoin Galien au chapitre dixiesme du so-

cond liure *ad Glauconem*. Or nous noterons qu'entre les chancres, les vns sont recens, les autres inuete-rez, les vns grands, les autres petits; les vns benins, les autres malins: & toutefois tout chancre est fort fas-cheux & dangereux, & s'accroche ordinairement aux lieux glanduleux, comme avec mammelles des fem-mes. Lesquelles à cause de leur laxi-té s'imbibent facilement de ceste humeur. Et pour ceste cause, Acec au chapitre quarante-cinq du sixief-me liure, escrit que les femmes y sont plus subiectes que les hommes: Et entre les hommes, ceux qui sont atrabilaires, & à qui les hemorrhoi-des sont retenues: des parties les yeux, le nez, les oreilles, leures, le palais, le siege des parties honteuses de la femme, & les mames, ainsi que nous auons ia dit, pource que telles

parties sont debiles & promptes à recevoir fluxion: l'amarry y est aussi subiect, selon Eginette, au chapitre soixante deuxiesme du troisiemes liure. Et tel chancre est estimé incurable en l'aphor. trente-huitiesme du sixiesme liure, où Hippocrates deffend de toucher le chancre occulte, c'est à dire qui est interne & caché, lequel on ne peut ny couper, ny brusler sans danger. Que si nous voulons entendre du nom vlcéré, nous apprendrons qu'il ne faut aussi l'irriter par medicaments, apres qu'il est confirmé.

La curation.


LA curation consiste en la maniere de viure bien instituée, comme aussi à bien repurger le corps par interualle, & par medicaments melagogues. Apres cela faut auoir es-

gard s'il y a point quelque purgatiō naturelle qui soit arrestée, comme les hemorrhoïdes, & les mois aux femmes : que si elles sont supprimées il faut les prouoquer, puis sur le mal appliquer vn remede qui soit plus paliatif que curatif. Comme du pompholigos battu en vn mortier, & faut au Printemps, & à l'Automne purger. & saigner. Pour le reste des topiques tu les chercheras ailleurs. Tu demanderas, que dites-vous de l'extirpation : Ie te respondray, qu'elle se peut faire, mais la cure n'en est pas seure, pource que bien souuent elle conduit le patient au danger & peril de mort.

Fin des tumeurs contre nature.

Des playes.

SECTION II.

 Elle des trois especes des maladies qui a plus besoin de l'operation, est la solution de continuité, laquelle estant commune à toutes les parties, est diuersement nommée selon la diuersité d'icelles, comme tesmoigne Galien au chapitre premier du quatriesme li. de la Methode, où il dit, qu'és os on l'appelle fracture, en la chair playe, ou vlcere. Car iaçoit que les playes soient aussi communes à toutes autres parties molles, & penetrantes iusques aux os, toutesfois les autres ne peuuent estre blessées de cause externe, que le cuir & la chair ne le soient deuant, dont s'ensuit effusion de sang.

Qu'est-ce que playe ?

GAlien au lieu preallegué la définition solution de continuité faite en partie charnuë : Mais afin qu'elle soit mieux distinguée de l'ulcere, en comprenant quand & quand les piqueures & morsures. Les modernes luy baillent vne definition plus ample, en ceste sorte. Playe est vne solution de continuité recente, & encores sanglante, sans sanie ou pourriture faicte és parties molles.

Des causes.

LEs causes des playes sont toutes Externes, fortuites, & virulentes, desquelles les vnes sont animées, comme l'homme & les bestes brutes : les autres non animées, comme toutes choses offensives, lesquelles blessent, taillent, froissent, rompent,

troüent, piquent, meurtrissent, & autres, dont selon l'acquisition d'icelle cause les playes ont diuers nōs: Car celles qui sont faictes par glaiue trenchant, sont dictes incisions, taillades par instrumens pointus, cheutes & meurtrisseures. De la cause aussi prennent leur nom: comme de la morsure, piqueure, esgratigneure des bestes tant venimeuses que sans venin. Dys donc que les playes sont faictes en trois manieres, à sçauoir par coup, par cheute, & par morsure, ou si tu aymes mieux par contusion, poincture, & incision.

Des differences.

LEs autres differences des playes sōt prinſes de la nature du mal & des parties. Pour le regard de l'essence du mal, les playes sont ou sim-

ples, ou composées de plusieurs solutions de continuité ensemble: cōme d'un coup d'harquebuzade: ou elles sont caues, avec perte de substance, ou conioinctes avec des autres: comme tumeur & inflammation, ou compliquées avec quelque symptome: comme douleur, conuulsion, aimorrhagie: les simples, selon la quantité, sont grandes ou petites, longues ou courtes, larges ou estroictes, profondes ou superficielles: selon la figure droictes, obliques, ou transuersales, rondes, esgalles, ou inegalles, comme décrit Galien au chapitre dixiesme du troisieme liure de la Methode. Quant aux parties, les playes sont faictes, ou en parties similaires, dures, medieres, ou molles, ou és organiques, nobles, ou ignobles. Et pour le regard de la situation, au commence-

ment ou fin, ou milieu des muscles, lesquelles differences seruent de beaucoup à la curation & prediction des playes : comme il sera cy-apres déclaré.

Des signes prognostiques.

OR pour commencer à la prediction, les signes des playes sont de trois sortes, les vns memoratifs, qui reduisent en memoire ce qui est passé, & seruent pour l'inuention des causes, comprenant le lieu, le temps, & la maniere de viure (quand le mal est venu :) les autres sont demonstratifs, qui declarent la maladie presente, à sçauoir la playe, laquelle de soy est cognüe par la veüe & attouchement : les autres sont prognostiques qui monstre de loin la longueur ou briefueté, le danger ou assurance du mal, lesquels sont
pris

pris de trois choses. La premiere de l'essence du mal (avec lesquels faut comprendre la grandeur de la cause, & de la matiere & qualité des instrumens) La seconde de la substance & usage des parties : La troisieme des symptomes qui surviennent. Parquoy toute playe grande est dangereuse, ou de mort, ou de mutilation, & impuissance des membres.

De la grandeur.

LA playe est estimée grande en trois manieres, selon Galien au chapitre sixiesme du quatriesme de la Methode. La premiere par son essence, comme si elle est large, longue, & profonde : la seconde par la dignité & usage de la partie : la troisieme par sa malignité : comme si elle est veneneuse, ou en partie ner-

uëuse, ou en corps catherique : Et ainsi la playe du cœur cause bien tost la mort, pource qu'elle est principe de vie selon Galien au chapitre 2 du cinquiesme liure des lieux malades. Si le cerueau est blessé, cela est mortel, par l'aphorisme vingt-huitiesme du 6. liu. Toutesfois si la playe n'est grande & profonde on en peut eschapper, comme tesmoigne Galien au commencement : Que si quelqu'un guarist d'une playe profonde, comme il assure auoir veu au chapitre 10. du viij. liure de l'usage des parties, cela est rare & prodigieux. Quant aux meninges leur blessure est mortelle, non tant de soy qu'à raison du cerueau, qu'elles attirent du commencement. La playe du foye si elle est profonde est mortelle, par l'effusion du sang : si elle est superficielle est difficile à guarir,

pource que c'est la fontaine du sang & principe de la faculté nutritiue, le vice de laquelle redonde sur le reste du corps: Dauantage telle playe est difficile à consolider, comme tesmoigne Galien sur l'aphoris. dix-huictiesme du sixiesme liure. Touchant les parties qui seruent aux princesses, si le diaphragme est blessé en la partie charnuë sans inflammation, il se peut glutiner: si en la nerueuse non, à cause de la substance, mouuement continuel, & action necessaire, sentiment exquis, & sympathie avec le cœur voisin, & avec le cerueau par les nerfs, selon Galien au chapitre neufiesme du cinquiesme liure de la Methode. Les playes du poulmon sont le plus souuent mortelles à cause de l'inflammation facile, continuel mouuement, toux perpetuelle, & diffi-

culté des remèdes, selon Galien au chapitre huitiesme du cinquiesme liure de la Methode : la playe de la trachée artère elle est tardive, à cause de sa substance cartilagineuse, & de l'air qui sort par la playe, selon Galien au mesme liure de l'œsophage: Elle est aussi difficile à cause de son office, de sa situation, & de sa substance; des veines grandes & artères elle est mortelle à raison de l'effusion du sang, selon Hippocrates au second du Propre. Quât à l'estomach, si la playe est superficielle elle est curable, comme escrit Galien sur l'aphor. seiziesme du cinquiesme liure: si elle penetre on la iuge dangereuse, à raison de son office: toutesfois au fôds qui est plus charnu, on la peut guarir, & non pas en la partie superieure, comme tesmoigne Galien au chapitre sixiesme du

quatriesme liure de la Methode. Entre les intestins si les gresles sont percez on ne peut les glutiner, à cause qu'ils sont membreux, par l'aphor. vingt quatriesme du sixiesme liure, & si c'est le iung la playe est incurable, selon Galien au sixiesme liure de la Methode, à cause de la multitude des vaisseaux & cholere qu'il reçoit. La playe de l'amarry est long temps à guarir, non toutefois deploree. Des reins elle est mortelle pour le flux de sang, selon Celse au chapitre vingt-sixiesme du septiesme liure Des deux vessies incurables à cause de leurs excrements : Celle de la ratte est moins subiecte à hemorrhagie & inflammation, des autres parenchymes la curation en est longue. Que si la playe penetre seulement iusqu'au lieu vuide sans blesseure de parties contenuës, elle

n'est tant dangereuse, & neâtmoins difficile à cause de l'exhalation des esprits de l'air qui entre, & amas de la sanie & danger de difficulté. Les plus seures de toutes sont celles des parties charnuës, à cause qu'elles sont faciles à glutiner, & n'apportent aucun grief symptome, selon Celse, moyennant qu'elles ne soient point trop grandes. D'avantage si les parties organiques sont du tout couppees on ne les peut glutiner par faute d'esprit, comme escrit Galien au 9. de l'art de Medecine. Des parties spermatiques l'vnion ne se peut faire selon la premiere intention, mais seulement par le moyen d'un calle, lequel attache les deux parties ensemble, comme escrit le mesme Galien au chapitre nonante & vn du mesme liure. Quant à la consolidation des os mols, elle est apparen-

te & non vraye : la picqueure du nerf excite conuulsion , ainsi qu'il tesmoigne au chapitre nonante-deuxiesme par la condoleance du cerueau avec les parties nerueuses. Or la conuulsion suruenant à la playe est mortelle , par l'aphor. douzieme du cinquiesme liure, non pas tousiours , mais quand elle se faiet d'inanition. Si la playe se faiet près des ioinctures elle cause vn amaigrissement de membre par la construction des conduits & debilité de la faculté attractiue : & si les grands vaisseaux y sont coupez cela est cause de la gangrene , par la priuation de la nourriture & de l'influence de la faculté vitale.

*Quelle est la cure des playes
en general.*

C'Est de reioindre ce qui est separé. Ce qui se faiet en appro-
L iij

chant les parties disioinctes par la main & ligature, ou par cousture, y appliquant medicaments propres, vsant d'vne bonne maniere de viure, empeschant les accidents.

*Que doit considerer le Chirurgien
auant que d'approcher
les labies?*

PLusieurs choses, premierement il doit viser aux corps estranges qui doiuent estre ostez, si aucun en y a: ce qui se fera ou avec la main, ou avec instruments, ou medicaments, les tirant au dehors, ou de la partie par où sont entrez, si faire se peut, ou à l'opposite s'ils s'y presentent, ou bien faisant vne incision pourueu qu'aucun nerf, veine ou artere, n'empesche: il faut situer le malade en telle figure qu'il estoit lors qu'il fut blessé. Que s'il suruient flux de sang,

ou autre accident, on y remediera, ainsi qu'il sera dit cy apres. Le second scope est qu'apres qu'on a osté les corps estranges, & supprimé le sang, & osté celuy qui est caillé, il faut approcher les leures de la playe. Le troisieme est de la contenir par bádage, si la playe est selon la rectitude du muscle, ou par cousture, si la playe est transuersalle, ou si elle est aux oreilles, nez, bouche, gosier, & leures.

*Combien y a-il de sortes de
coustures ?*

QVatre, La premiere est la cousture des pelletiers, que l'on fait aux parties membrancuses, & destituées de chair. La seconde se faiét prenant les deux leures de la playe faisant vn nœud, puis couper le fil, & en faisant d'autres distans

d'un poulce les vns des autres. La troisieme se faiet passant l'aiguille, apres enuironnant le fil autour, ainsi qu'on faiet le bec de lieure. La quatrieme se faiet au ventre, ayant deux aiguilles, dont l'une prend la peau laissant le peritoine & la chair, puis de l'autre aiguille qui est en la main gauche, il prend le cuir & le peritoine, & à l'opposite, il laisse le peritoine, & prend seulement le cuir. Il y en a vne autre adioustée qui se faiet en passant l'aiguille, prenant avec icelle le peritoine de deux costez: puis derechef passer l'aiguille & fillet par mesmes trous: & au lieu de faire des nœuds on mettra aux costez des tuyaux de plume, sur lesquels on faiet des nœuds: & ceste-cy est la meilleure de toutes. Que si les bordes de la playe sont tellement distans que l'on ne les puisse appro-

cher par cousture, il faudra vser de couffinet avec bande à deux chefs: les choses ainsi faiçtes sera question de contenir le patient, & empescher qu'il ne suruienne accident. Ce qui se fera par vnguens, liniments & emplastres, maniere de viore, saignée, purgation, & autres semblables: comme tentes, plumaceaux, & compreses.

Pourquoy est ce que nous vsons des tentes & charpies?

NOUS en vsons estant aucunes fois seiches, ou imbuës de quelque liniment, ou pour digerer, ou pour desseicher, ou pour arrester vn flux, ou pour empescher la glutination, ou pour dilater. Le cinquiesme scope est pour obuier aux accidents qui suruiennent aux playes: comme à l'intemperie, inflammation, conuulsion, paralysie, syncope, & delite.

*Comment se curent ces accidents
suruenant aux playes?*

Quant à l'intemperie, ou elle est simple, composée, avec fluxion, ou sans icelle, qui doit neantmoins estre curée par son contraire, si elle est chaude sans fluxion d'humeur, l'vnguent de plantain y conuiendra: comme en l'intemperie le basilicon, vnguentum fustum. Si l'intemperature est avec fluxion d'humeur, il faut purger, s'il y a cacochimie, ou saigner s'il y a plethore, vsant des repercussifs, digerant (si mestier est:) & où il y auroit douleur, il faudra l'appaiser par huile rosat meslé avec blanc d'œuf, ou embrocation d'huile: si la douleur est vehemente, l'huile de pauot, ou autre, en laquelle on aura mis vn peu d'opion, sera fort bonne. Quant

à la fièvre, si elle aduient à vne grãd playe, ce n'est de merueille mais à vne petite, sera dangereuse, le gouuernail de laquelle sera remis au Medecin, comme aussi la paralyfie, conuulsion, syncope, & autres accidens: Lesquels à la verité ne changent point la curation comme accidens, selon Galien au chapitre quatriesme du deuxiesme liure de la Methode, ains comme cause d'un autre mal, ou entant qu'ils affoiblissent les forces, ou bien comme nouvelles affectiõs prouenantes de quelque autre cause, la vehemence desquels est mitiguée, encore que le premier mal demeure.

Des playes simples.

COMME la curation est diuerse, selon les parties, tant organiques que similaires, apres la

methode generale, il est expedient de pourſuiure les differences, lesquelles ſont quatre aux ſimilaires: car les vnes ſont faites en la chair, les autres és grands vaiſſeaux, les autres bleſſent les nerfs, les autres penetrent iuſques aux os. En la chair ſont playes ſimples, ſuperficielles, profondes, & avec perte de ſubſtance.

Quelle eſt la cure de la playe ſimple.

SI la playe eſt ſimple & en partie charneufe, on la doit laiſſer ſaigner, puis L. fluyer doucement le ſâg, & en apres approcher les bords de la playe, puis la contenir par bâdage & compreſſe, ſi faire ſe peut, ou par couſture, ainſi que nous auôs deſia dit, & par deſſus mettre des eſtouppes avec vn blanc d'œuf, pour empêcher l'inflammation. Iacoit

qu'aucuns vsent du medicament de sang de dragon, vne partie d'encēs, & bolarmene, le tout melle avec blanc d'œuf, trempant les bandes & linges en oxicrat, si besoin est: les autres iours on la peut lauer en vin adstringent: & où suruiendra quelque sanie, il faut situer la partie en sorte qu'elle aye son issuë. Nous noterons que si la playe simple est petite, se guarist souuent par le seul benefice de nature, moyennant qu'elle soit bandée avec vne ligature à double chef, tesmoin Galien au chapitre quatriesme du troisieme liure de la Methode, mais c'est apres auoir bien espreint le sang, & appliqué vn aubin d'œuf battu avec eauë rose pour appaiser la douleur, & empescher l'inflâmation: Si la playe est profonde elle n'a rië de propre que l'euacuation de la sanie retenuë au

fonds , laquelle peut empescher la glutination. Donc elle est vuidée en trois manieres : La premiere par la situation du membre , ou naturelle ou artificielle : Car si le fonds de la playe tend en haut, le membre peut estre colloqué en sorte que l'orifice panche en bas, afin que la sanie s'escoule. Si la profondeur est interieure, & la figure du membre est caute que la sanie est retentée, il faut par art changer ceste situation, ainsi que Galien décrit au chapitre huitiesme du second livre *ad Glauconem* : Le bandage expulsif qui commence depuis le fonds de la playe, & est continué en l'aschant iusques à l'orifice, est bon, comme enseigne Hippocrates au deuxiesme livre de la boutique du Medecin. La troisiemesme quand les deux autres ne suffisent par la deiection de toute la qualité

qualité & cauité , depuis l'orifice iufques au fonds : Quand la playe n'eft grande , & la partie n'eft dangereufe , ou du fonds feulemēt , par vne controuverture faicte avec le cautere , afin que la fanie s'efcoule librement d'vn cofté ou d'autre , mettant des rentes aux deux coftez , pafant vn feton à trauers , comme l'enfeigne Galien au chapitre dixiefme du troiſiefme liure de la Methode. Quant aux autres remedes , tant vniuerfels que topiques , ils font communs avec les autres playes

De la playe avec perdition de ſubſtance : Et combien y a-il d'indications en la cure d'icelle ?

DEux , à ſçauoir reſtauration de la choſe perdue , & cicatrization. Et pour reparer ce qui eſt per-

M

du , il est requis que le sang soit bon & louable , ne pechant ny en quantité ny en qualité , puis faut que la nature de la partie (qui est l'ouuriere & cause efficiente de la chair) soit bien temperée , autrement rien ne se pourroit faire. Donc faut seulement ôter les deux sortes d'excrements qui se font en la generation de la chair , à sçauoir ichor & sanies : ce qui se fera en adstraignant & desseichant.

Quels sont les medicaments faisans tels effects ?

CE sont iris , aristolochie , panax farine d'orobe , desquels quand on en voudra vser , il faut auoir esgard à la partie , temperament , à l'aage , d'autant que les parties humides , & les natures molles & delicates , requierét remedes moins

desficatifs, la chair estant engendrée il faut cicatriser. Ce qui est fait par remedes qui non seulement desseichent l'humidité estrange, mais aussi vne partie de la matiere dont la chair est engendrée: partant il est requis qu'ils soient adstringents.

Comment se font les cicatrices cauez?

Elles se font quand l'vlcere est trop desseiché, ou bien quand il y a perdition de quelques os.

De la contusion.

LA contusion est mise au nombre des playes, laquelle est solution de continuité faicte en la chair des corps courbez, choses dures & pesantes, par cheute, & ce avec division du cuir, ou sans icelle. La pre-

miere est appellée playe contuse, l'autre ecchymose.

*Comment faut-il curer la playe
avec contusion ?*

LA playe contuse se guarist par deux sortes de remedes vniuersels & topiques: les vniuersels sont la phlebotomie de la partie opposite pour faire reuulsion: & la purgation si le corps est cacochime, & la maniere de viure tenue froide & dessicative, pour empescher la fluxion & pourriture, & pour obuier à la fieure. Touchant les topiques, la playe contuse (outre les deffensifs appliquez à l'entour pour reprimer la fluxion: comme l'vnguent de bol, le blanc d'œuf, avec la poudre & huile de roses & de myrtilles) se guarist par deux moyens, par supuration & generation de nouvelle

chair, comme telmoigne Hippocrates au liure des vlcères, & Galien au chapitre cinquiesme du quatriesme de la Methode. Pour ayder la suppuration faut mettre dās la playe vn digestif fait de iaune d'œuf & terebentine, & par dessus le tetrapharmaque & diachille ireat: & de la farine d'orge, myrrhe, styrax, labdanum, saffran, moyeu d'œuf, & huile. La suppuration estant faite faut passer aux deterfifs: comme au miel, syropt rosat, mondificatif d'ache, l'vnguēt des apostres. Apres que la playe est nette faut produire vne chair nouvelle, selon les preceptes ia declarez: mais en ceste curation on doit obseruer trois reigles. La premiere, que si le cuir est fort deschiré & priué de chaleur naturelle, faut le couper, autrement on le coudra à lasche & rare cousture,

pour retenir seulement les bords de la playe. La seconde, si les bords s'ont ia calleux on les doit rafraischir, afin qu'ils se glutinent mieux. La troisieme, s'il y a danger de corruption, on l'empeschera avec l'egyptiac.

*Quelle est la curation de
l'ecchymose?*

L'Autre espee de contusion, sans playe apparente, est nommée Ecchymosis, c'est à dire suffusion de sang entre chair & cuir, prouenant de la corruption, quelquefois de l'ouuerture des veines, à cause de quelque coup ou cheute, comme escrit Galien au chapitre dixiesme du quatriesme liure de la Methode. Ce sang espandu hors des veines fait vne tumeur molle, liuide, & sans grande douleur, sinon quand il s'en-

flamme, & pourrist : la corruption s'accomplist par plusieurs intentiōs. La premiere est prinse de la cause antecedente , qu'il faut destourner par phlebotomie , encore que le corps ne soit plethorique pour empescher la fluxion qui se feroit à la partie blessée. La secōde est prise de l'ouverture & diuision des veines, lesquelles il faut adstraindre & roborer afin qu'il ne desgorgetrop de sang. Donc pour le premier appareil faut oindre la partie d'huile rosat avec poudre de roses & de myrthilles, & pour rappaiser la douleur le blanc d'un œuf est bon. La troisieme est prinse de la matiere, laquelle, selon Galien, au chapitre dernier du quattieme liure de la Methode doit estre vuidée par resolution , scarification, & suppuration. Si la contusion est profonde il vaut mieux sca-

rifier le cuir pour vuider le sâg meurtry, euentiler la chaleur naturelle, & empescher la pourriture, à laquelle sont subiectes les grandes contusions: si la matiere tend à suppuration on l'aydera par les peptiques ordinaires. Ceux qui sont tombez d'éhaut & ont le corps froissé, doiuent estre soudainement enuoloppez d'une peau de mouton despouillé sur l'heure, ou d'un drap trempé en vin vermeil chaud, & graisses d'huile de roses, & des myrthilles, ou des vers. Les autres remedes tu les cheras ailleurs.

*De la diuision des vaisseaux &
flux de sang?*

P Ource que les veines & arteres sont les conduits & receptacles du sang, quand elles sont diuisées. Il se faict effusion d'iceluy, laquelle

est d'autant plus dangereuse qu'elle est grande, & bien souuent est suivie de syncope, à cause que le sang est le thresor de nature, matiere du nourrissement, & le subiect de la chaleur fluante.

*Comment cognoist on la playe de la
veine d'avec celle de l'artere?*

ON la cognoist par la qualité du sang, lequel s'il est de couleur vermeille, & qu'il sorte en sautant, il est assureé messager de l'artere naurée: mais si le sang est noir, rouge, espois, sortant sans sauter, il signifie que la veine est couppée.

*Comment s'arreste le flux
de sang?*

EN tout flux de sang il faut premierement mettre le doigt sur l'ouverture (si le vaisseau est petit

& apparent) en comprimant, iusques à ce que le sang caillé estouppe le trou, & que les autres remedes soient preparez : secondement recourir aux charpies, & par dessus icelles mettre plusieurs compresses trempées en oxicrat & les recourir d'un emplastre adstringente, le tout maintenir par le bandage retentif. Quand on bande la playe faut faire quatre ou cinq tours de bande dessus, & la serrer estroitement, puis conduire les deux chefs en laschant vers les parties voisines : où cela ne profiteroit, faut lier ou coudre le vaisseau, ou par cautere. Et où le vaisseau seroit interne, & qu'on ne pourroit administrer les remedes, on arrestera ledit flux de sang, ou par defaillance de cœur, ou par vne maniere de viure refrigeratiue, ou par saignée de la partie opposite (si les

forces ne sont encores abbatuës) par application des ventouses sur les hypocondres par frictions & ligatures des extremittez: & le sang arresté, on traictera la playe ainsi qu'il a esté dit cy dessus.

Des playes des nerfs.

Toute playe de nerf est faicte, ou par piqueure, & par incision, ou par foudre ou contusion.

*Comment cognoist-on le nerf
estre bleffé?*

ON le cognoist par la situation offensée, par la blessure du mouuement & sentiment, ou de tous les deux ensemble, ou à cause de la grand' douleur qu'incite phlegmon, si on n'y remédie promptement, de peur de la conuulsion, ou delire.

La curation.

EN premier lieu , il faut que le patient vſé d'une bonne maniere de viure treſſubtile , froide , & deſſicative , pour empêcher la fluxion & la fieure : toutefois l'air ſera tiede , à cauſe que le froid eſt ennemy des nerfs , par les aphoriſ. 17. & dix huitieſme du cinquieſme liure , le chaud incite inflammation. Cependant pour preſeruer le patient de conuulſion , faudra graiſſer l'eſpine & toutes les emontoires de quelque huile colaſtique , comme de lie , & d'oliue . Qu'il ſoit purgé & ſaigné , ſi rien n'empêche , puis ſi le nerf eſt piqué il faut amplifier la playe coupant le cuir , à fin que la ſanie puiſſe ſortir , & que plus aysément ce remede ſe puiſſe dapter , qui ſera de ſubtile ſubſtance , eſchauf-

fant modérément sans douleur, & qu'il attire legerement. Et aux enuirs on appliquera l'huile sabin chaude ou huille de ruë, ou d'anet avec laine, & ce deux ou trois fois le iour, mais si la playe ne se peut oster, on pourra mettre avec la terebentine vn peu d'euphorbe, ou sagapeuni, ou oppoponax avec soufre vif, & où il suruiendrait inflammation, on appliquera le cataplasme de farine d'orge, orobes cuittes en lexiue avec syrop, ou vin cuit & vinaigre: mais au nerf qui se pourrit le cataplasme de farine d'orge cuitte en lexiue, avec syrop ou vin cuit, eau & vinaigre avec lexiue, ou du miel, est propre: pareillement l'emplastre de cire, poix & euphorbe. La douleur doit estre promptement ostée par vnctions faictes d'huile de lys & laurin appliquez au col: si le nerf est blessé il faut ouurir la playe, &

puis y mettre des remedes qui ne causent aucune douleur : comme la chaux lauée dissoute en grande quantité d'huile, & celuy qui est faict de pompholix meslé avec huile douce, y conuiennent. Comme aussi celuy qui est faict d'huile rosat, miel, cire, & terebentine : & où l'vlcere seroit sordide, faudroit la nettoyer avec laine molle attachée au bout de l'esprouette, ou sonde. On peut lauer la playe avec vin doux au nerf coupé de trauers, les remedes susdits y conuiennent, & ne different en rien, sinon qu'il faut saigner de peur de phlegmon, s'il est coupé du tout. Il ne faut auoir la crainte de conuulsion en la cure, ne differer en rien des remedes qui desseichent & astreignent moderément, & empeschent la putrefaction : comme celuy qui est faict d'oximel, farine de febues,

avec vn peu de poix fonduë. Les modernes vsent du miel rosat avec blanc d'œuf, & apres ils fomentent la playe avec vin tiede : mais si le nerf estoit couuert du cuir, ils le fomentent d'huile de camomille & de rue estant chaudes.

Des playes des tendons.

PVis que nous auons parlé des playes des nerfs, comment faut il traicter celles des tendons? Or les tendons estans composez de substance de nerf & ligament, semblēt demander les mesmes remedes que les nerfs, excepté qu'il faut qu'ils soient plus vehemens & desseichans, & ceux du ligament plus encore.

*Des morsures & playes ve-
reneuses.*

LA morsure est vne espeece de playe contuse fascheuse, & de curation difficile à cause de la rupture & deschirure des parties. Or comme les animaux sont diuers, de mesme leurs morsures sont diuerses, celles des bestes sont plus dangereuses: des autres animaux les morsures à ieun pires, selon Auicenne à cause de la saliuë plus acrc & bilieuse, laquelle rend la playe maligne. Ce que Paul Eginette tesmoigne mesme de l'homme, à cause dequoy est escrit, que toute morsure de beste a quelque venin plus ou moins.

De la curation.

LA commune indication de toute morsure est d'appliquer au
com-

commencement des topiques attractifs, & calastiques: car outre la contusion il faut obseruer l'angustie de la playe, sanie, & mauuaise qualité qu'il conuient attirer dehors en la schant: & afin que la sanie s'escoule mieux, la playe estroicte sera tenue ouuerte. Dont il appert que la premiere intention des playes veneneuses est d'attirer le venin au dehors: ce qui se faiet en sucçant de la bouche; ou avec ventouses mouchetées, cornets, sangsüës, & remèdes qui attirent, cauteres, & semblables, puis penser la playe, comme a esté dit auparauant, & obuier aux accidents susdits. On peut scarifier la playe & partie circonuoisine, & prendre en apres vn petit chien tout vif, ou couppé par le milieu, & l'appliquer dessus. Que si la morsure est mortelle, comme de vipere & sem;

blables, on peut appliquer le caute-
re. En cataplasme on peut prendre
de la cendre de sarment, laurier, &
choux cuits en vinaigre, le sel, la
saumure, les aulx, avec le miel, le
vinaigre chaud, auquel on ait fait
bouillir du nepta. Pour attirer aussi
on peut appliquer le theriaque seul,
ou mesme avec vn oignon cuit, ou
bien en cataplasme, ou du dictame.
On n'oubliera de donner les breu-
uages composez de theriaque & mi-
thridat, pour munir & roborer les
parties nobles: Entre lesquels est ex-
cellent le mithridat, le theriaque a-
vec eauë d'angelique, scabieuse, de
buglose sauuage, ou de la decoction
de gentiane, scordion, & autres
semblables: les vomissemens, sueurs,
flux d'vrine y profitent, mais quand
le venin est diffus par tout le corps,
il faut purger & saigner avec tempe-

rance, d'autant que la phlebotomie & purgations vehementes sont suspectes. Or comme les morsures sont differentes en qualité, aussi sont les remedes en faculté car les attractifs plus doux & domestiques conuiennent aux morsures simples & vulgaires: cōme l'oignon cuit avec huile & sel, le leuain, le miel avec sel, l'encēs avec vin & huile, la poix & terebētime, le galbanū, la farine d'orobe, huile de suzeau, les aux sauages. S'il faut appaiser la douleur, les moyeux d'œufs avec beurre & safran: s'il conuient suppurer le tetrapharmacum, l'vnguent obscur, le cataplasme de guimaues, l'emplastre de suif de mouton, trois onces resines & huile, de chacun deux onces, poix naualle, terebentine, miel commun, de chacun vne once, cire autant qu'il en faut. Cependāt les mes-

ches seront munies d'un digestif & moyeu d'œuf, terebentine, saffran, & huile. Apres la suppuration la playe sera mondifiée, remplie, & cicatrizée.

Des playes d'arquebuzades?

LEs playes qui sont faictes par les balles d'arquebuzes ou pistolet, sont bien contuses, mais pource qu'elles sont plus malignes & subiectes à corruption, & consequemment dangereuse, les faut traicter d'une autre maniere: La cause du danger, aucuns l'ont attribué à la brulure, autres au venin, les autres à l'air, & meurtrissure, mais ceste malice ne vient pas de l'ardeur de la balle, veu qu'elle n'eschauffe pas chose qu'elle rencontre, n'y de la virulence de la poudre, laquelle n'est composée que de soulfre, salpe-

stre, & de charbon de saulx: lesquelles choses resistent au venin & à la putrefaction, ains de la grande contusion & briseure qui faiet la balle ronde, qui estant porté d'une grande roideur, ne meurtrist pas seulement, & transperce toutes les parties qui sont rencontrées, mais aussi dissipe les esprits & chaleur naturelle, qui souloient entretenir la force & vigueur du membre, tant à cause de la vehemence du coup, que de l'air qu'il apporte, & faiet penetrer dans la substance du membre. Parquoy n'est de merueilles si telles playes sont toutes subiectes à pourriture, puis qu'il y a si grande meurtrissure conioincte avec une debilité de la chaleur naturelle. Davantage si le corps est replet, ou cacochyme, & la playe douloureuse, la fluxion & inflammation engendrent

plustost la corruption par la suffocation d'icelle chaleur. Ce sont les causes qui rendent l'ulcere sordide, puante & maligne, font pourrir la chair meurtre, & priuent le membre & le corps de vie. Pour obuier à ces inconueniens faut sonder doucement la playe encore chaude, & la bien tenir ouuerte deuant qu'aucun accident y suruienne, & en tirer promptemēt la balle, & toute chose estrange : & le lieu par lequel elle est entrée, ou par l'opposite si elle est approchée de la peau en y faisant incision. Ceste incision se fait avec le bec de cane quād la balle est aux parties charneuses : avec le bec de lezare, quand elle est applatie, ou bec de grue dentelé, si c'est menue dragée, & profonde : si la balle est grosse on vse du pied de griffon, ou s'il y a quelque piece d'harnois, avec le bec

de perroquet : si la playe est profonde ou trop petite faut vser du bec de cygne pour la dilater : si la balle est enclauée en l'os , on la retire avec vn tirefonds. Que si on ne peut la tirer aisément , il vaut mieux la laisser que de trauailler trop le patient, s'asseurant que nature ne permettra iamais que la playe se consolide , iusques à ce que l'os blessé iette ses esquilles dehors , & la balle quant & quant. Apres que la balle est tirée faut bien espreindre la sanie, ou s'il y a vn trop grand flux on l'arrestera avec charpie trempée en oxicrat, ou avec blanc d'œuf & bolarmene, munissant tousiours les parties voisines de restraintsifs , pour empescher la fluxion & inflammation. A quoy sert aussi la phlebotomie si le corps est pletorique , la purgation benigne, s'il est cacochime, & la manie-

re de viure refrigerente, puis apres faut pourueoir à la playe contuse par topiques, en partie anodyns & digestifs: Comme est le iaune d'œuf avec l'huile de mirrhe: la terebentine lauée avec le saffran & huile d'hypericon, en partie suppuratifs, difficatifs tout ensemble, pour remedier, tant à la contusion qu'à l'vlcere, & obuier à la pourriture. Tel sera l'vnguent faiect de terebenthine, lauée avec vn peu de basilicō & borax, avec huile de mirrhe & d'hypericon, ou vn baulme composé de terebentine & huile rosat, de chacun six onces, sommitez, d'hypericon, & centaures avec la gomme, de chacun vne poignée, mirrhe trois dragmes, eauë de plantin trois onces, le tout cuit dans le bain de Marie bien lutté, & puis le passer par vn linge. Par dessus on appliquera vn cata-

plâme de guinaues cuittes en miel en adioustant des farines d'orge & de febues : si la chaleur naturelle est assoupie, on lauera la playe d'eauë de vie : si la playe est profonde, on fera iniectiō, ou bien du vin blanc auquel auront bouilly le miel rosat, du sel, & du borax : s'il y a soupçon de pourrituré, faut soustenir en toute sorte des suppuratifs, & vser d'un tel vnguent. Prenez verd-de-gris laué en eauë de plantin vne once, miel rosat six onces, mirrhe demie once, borax vne dragme, styrax liquide deux dragmes, saffran vne dragme, de la decoction de centaure, & d'hypericon six onces, eauë de plantin deux onces, le tout soit cuit ensemble en consistance de miel. Quand la playe est changée en vlcere sordide, faut vser des mondificatifs appliquez avec mesches, ou toutes iet-

tées au fonds par vne siringue , avec la decoction d'absinthe , gentiane , centaures , hypericon , & aristoloché. Pour cest vlsage on fera vn vnguent de tercbentine lauée vne once, farine d'orge deux dragmes, mirrhe, tuthie preparée, de chacun demie once, avec le miel , pour faire iniection: On peut dissoudre en la decoction precedente du miel rosat, ou syrop d'absinthe avec aloës & egyptiac : apres que l'vlcere sera mondifié la faudra remplir de chair, & cicatrizer comme les autres.

Des playes des os.

LA playe del'os est incision d'iceluy faiçte avec vn ferrement tranchant, dont elle differe de la fracture, laquelle est faiçte sans incision pour quelque violence extreme. Or pource que l'os ne peut estre

couppé que les parties qui l'environnent ne le soient aussi premieremēt, telle playe est dangereuse suyvie de plusieurs accidents mauuais, comme grande douleur aimorrhagie, conuulsion, syncope, & mesme mortification du membre, à cause de la section des grands vaisseaux qui le priuent de vie & nourriture.

Quelle est la curation ?

LE but de la cure est l'vnion, laquelle se faict és-os, par le moyen d'un cal. Pour y paruenir outre les remedes vniuersels, faut considerer six preceptes. Le premier est qu'il faut oster toute chose estrange, fichée dans la playe, & mesme esquilles d'os, & toutefois Guidonde fend de les arracher par force, mais veut qu'on vse de quelques attractifs pour ayder nature : le deuxies-

me est la closture profonde de la chair, la consolidation de laquelle ayde & empesche que l'air frais ne l'offense, qui est extremement contraire aux os descouverts, par l'aph. dix-huictiesme du cinquiesme liure, que pour autant que la chair fournit à l'os matiere de calle : le troisieme est, qu'en faisant la cousture, faut laisser d'espace pour mettre vne tente, afin que la sanie s'escoule, & de peur qu'elle ne corrompe l'os : laquelle tente sera seiche, ou enduite de miel rosat avec mirrhe & poudre de flambe : le quatriesme est, le bandage faiet en sorte que la playe puisse estre pensée sans desplier le membre, principalement si l'os est du tout couppé : car ce bandage se faiet en forme rhomboïde du haut en bas, & du bas en haut en croisant, que la bande couure la

playe. Par dessus seront mises deux ou trois ferules pour soustenir le membre, lesquelles seront aussi liées avec vne sous-bande : le cinquiesme est la poudre glutinatiue qui est faicte d'aloës, mirrhe, mastic, sarcocolle, bol armene sang de dragon, avec le blanc d'œuf, ou mesme toute seiche, pour le conseruer : & puis avec la terebentine pour glutiner. Si l'os est descouuert on le couurira de charpies, de la poudre de flambes, d'aloës, mirrhe, & farine d'orobe : & par dessus on mettra des compresses trempées en vin chaud avec estoupes, & vne bande retentive sur la fin. Pour consolider on vsera du diapalma & autres medicaments propres & conuenables pour cest effect.

Fin des playes.

Des vlceres.

SECTION III.

LEs absces, qui sont ouuerts, & les playes qui enuieillissent, ou deuiennent sales, degenerent de leurs especes, & se changent en vlcere.

Qu'est-ce que vlcere ?

C'Est vne solution de continuité faite par erosion des parties charnuës & molles, avec sanie, odeur, purulence, ou pourriture, laquelle empesche l'vnion : si elle suruiuent à l'os est nommée Carie.

*Des differences, d'où elles
sont prises.*

ELles sont prises de la nature de l'vlcere. Par ce mot de nature est

entendu le temperament , conformation , situation , varieté de substance , faculté & vsage : autrement elles sont prinſes des cauſes & des accidents. Des cauſes, comme vlceré virulent , putride , & corroſiue : Des accidents comme vlcere , douloureuſe , avec intemperie & tumeur prurigineuſe , poignant , bruſſant : du temps duquel l'vne des vlceres eſt dicté nouuelle , ou recente , & l'autre vieille , ou inueterée.

*Quelles ſont les cauſes d'vlcere ,
& combien ?*

LEs cauſes ſont deux , l'vne antecedente , qui eſt faiſte de corruption d'humeurs , l'autre conioincte , ſçauoir la matiere maligne , l'imbecillité & intemperie du membre , la mauuaiſe habitude de la carie de l'oſ : Or il eſt diuiſé premiere-

ment en vlcere simple & composé.

Quels sont les signes d'vlcere ?

LEs signes sont ou diagnostiques, qui montre la cause presente, ou prognostiques, qui declarent les euenemens. Quant aux diagnostiques, ou ils apparoissent au sens de la veuë, ou sont prins de la propriété de la douleur, comme les ongles recourbez, de la bouë du sang, des escailles & carthilages : brest l'vlcere est distingué des autres solutions de continuité par l'excrement subtil & espais qui en sort : mais comme il y en a plusieurs differences, chacune a ses propres signes qui sont exposez en la description d'icelle.

D'où est pris le prognostic ?

LEs iugemens & prognostics sont pris de la condition de la maladie,

die, de la cause, & du subiect. A raison dequoy Galien au chapitre premier du quatriesme liure de la Methode dit, qu'il y a tfois manieres d'ulceres difficiles à guarir. L'un à cause que la chair subiecte, est intemperée : l'autre pour le vice du sang qui est enuoyé de la partie : le troisieme pour la quantité : Et au premier liure de la composition des medicaments, selon les genre, dit que ceux qui sont nourris d'une fluxion de plusieurs humeurs, & acres, sont difficiles & robustes. Pour mesme raison Hippocrates au liure des ulceres escrit, que ceux qui sont abreueez de quelques varies, difficilement viennent à cicatrizer : & si les parties voisines sont enflammées ne peuuent guarir, à cause de l'intemperie. Et en l'aphor. quatriesme du sixiesme liure il escrit, que ceux

qui n'ont point du poil à l'entour
sont malins & rebelles, à cause de la
mauvaise humeur qui corrompt le
poil, & entretient l'vlcere. Et au li-
ure des vlceres, il dit que les rondes
& circulaires sont mauvaises à cica-
trizer, à cause qu'elles n'ont ny fin ny
commencement. Davantage aux
vlceres qui durent vn an ou plus, il
est necessaire que l'os soit corrom-
pu & esclié, & consequemment que
la cicatrice soit caue, ou enfoncée
par l'aphorisme 45. du sixiesme li-
ure. Que si apres est remply de chair
& prest à cicatrizer, il vient à se re-
nouueller sans occasion manifeste,
il est en danger de deuenir fistuleux,
comme décrit Auicenne chapitre
premier, traicté troisieme, fen-
quatriesme du quatriesme liure:
Si telles vlceres suruiennent aux
maladies ils sont tardifs à gua-

rir, si on ne tranche la chair pourrie iusques à l'os, selon Auicenne. Si és maladies aiguës ils se desseichent & noircissent, c'est signe de mort, par le prognostic 18. du premier liure. Au contraire, si la chaleur faict vne bonne & loüable suppuration, c'est vn bon signe, par l'aphor. vingt-deuxiesme du cinquiesme liure. Aussi en plusieurs vlcères le temps chaud est plus commode que l'Hyuer, excepté en la teste & au ventre, selon Hippocrates au liure des vlcères, car le froid leur est cuisant, & les rend insupportables, par l'aphor. vingtiesme du cinquiesme liure. Aux vieilles personnes, tous vlcères sont difficiles à la cure à cause du defect de la chaleur naturelle, & du sang loüable. Comme aussi és hydropiques, à cause de l'abondance de la serosité: & cachetiques, à cau-

se de la mauuaise habitude : és fem^mes grosses, à raison de la plénitude, selon Auicenne, és reins pour la transcolation de la serosité, par l'aphor. sixiesme du sixiesme liure : Es poulmons à cause de leur mouuement perpetuel, selon Galien au chapitre huictiesme du cinquiesme liure de la methode. Sôme és parties internes les vlceres sont plus dangereux, attendu qu'ils sont plus mal aisez à desseicher.

De la curation generale.

EN la cure des vlceres quatre choses sont requises. La premiere consiste en vne bonne maniere de viure : la deuxiesme en l'ablation de la cause antecedente : la troisieme en l'euacuation de la cause conioincte & correction des accidents : la quatriesme en la corroboration des

parties, desquelles choses nous auõs parlé aux tumeurs: comme aussi cela appartient au Medecins, puis que l'vlcere ne se peut agglutiner, que les accidents compliquez ne soient ostez.

Quelle est la cure de l'vlcere simple?

EN l'vlcere simple le but de la curation est vne mediocre dessiccation, l'vnion de la peau entamée, mais s'il y a cauité manifeste, comme la maladie est double, à sçauoir solution & perte de substance, aussi est l'intention double: l'vne de remplir la cauité, l'autre de cicatrizer apres l'vlcere, car autant qu'il y a des maladies, autant y a-il des indications curatiues. Comme tesmoigne Galien au chapitre sixiesme du deuxiesme liure de la Methode.

Pour remplir la cauité faut restituer la chair perduë, auquel ceuvre deux choses sont requises, à sçauoir la bonne temperature, tant du membre que de tout le corps, & le sang bon & loüable en quãtité & qualité: la temperature, si elle est bonne, doit estre conseruée par choses semblables & mediocres: si elle est vicieuse faut la corriger par les contraires. Le sang s'il defect, il conuient l'augmenter par viandes de bon suc & bien nourrissantes, s'il excède sera diminué par phlebotomie & sobriété: s'il peche en qualité, il sera purifié par purgation de l'humeur vitieux: s'il est loüable, sera conserué par le bon vsage des choses non naturelles: Mais pour autant que deux sortes d'excrements suiuent la nourriture, l'vn plus subtil nommé sanie, qui rend l'vlcere humide:

l'autre plus gros & espais qui le rend ord & sordide, appellé ordure, il est besoin de deux espèces de médicaments aux vlcères, à sçauoir des desficatifs (entant qu'ils sont humides) & des deterfifs (entant qu'ils sont sordides) par l'vsage desquels faut commencer la curation, d'autant que l'vlcere ne peut estre comblé de chair, n'y vny, qui ne soit pur & sain, comme escrit Hippocrates au liure des vlcères, le sec est plus proche du sain, & l'humide du non sain. Du discours des playes tu pourras en particulier recueillir les topiques, sans qu'il faille les repeter si souvent.

Des vlcères malins & corrosifs.

LEs vlcères qui ne cedent aux remedes deuëment appliquez, sont rebelles & contumaces. Entre

lesquels les vns sont malins & virulents, qui sont engendrez des humeurs choletiques, acres, & mordicans, qui par adustion acquierent certaine malignité, & succedent à l'erysipelle ou herpes, ou aux playes mal traitées & medicaments trop chauds & acres: les autres rongent les parties d'alentour, & s'agrandissent: toutesfois sans pourriture, puanteur, & inflammation, & douleur insigne, & pource ils ne portent aucun danger: mais à cause qu'ils ont les bords enflez, durs, & cailleux, ils ne sont pas aysez à guarir. Communément ils viennent aux iambes & pieds, & sont nommez corrosifs, & ceux qui le sont le plus sont nommez phagedenes: car phagedenes est vn vlcere avec tumeur à l'entour, en quoy il differe du nommé, qui est sans tumeur, mais avec

pourriture. Il differe aussi du chancre, auquel non seulement les bords, mais aussi les parties voisines sont tumescées. La matiere du phagedene est vne humeur acre, & à demy bruslé, moyen de consistance entre la matiere du chancre & du herpes, lequel par sa quantité & grosseur enfle les bords, par son acrimonie ronges les parties voisines, selon Galien au chapitre dix-septiesme du quatorzieme de la Methode: Tous ces vlceres prouiennent de la cacochimie, comme tesmoigne le mesme Galien au chapitre troisieme du troisieme liure des temperaments, & peuuent estre nommez chironiens, c'est à dire vlceres inueterez, ayant besoin de la main de Chiron tres-expert Chirurgien & Thelephien, pource qu'estans rebelles ils demandent la main salutaire d'A-

chilles : car le roy de Mife ayant tel vlcere n'en peut iamais eſtre guarý que par Achilles. Ils ſont auſſi dits dyſepulotiques, c'eſt à dire difficiles à cicatrizer, tant à cauſe de l'acrimonie des humeurs qui fluënt , que de l'intemperie ou cachexie de la partie.

De la curation.

P Our la curation , apres auoir purgé les mauuaiſes humeurs, & ordonné vn bon regime de viure, l'vlcere ſera laué d'eau ferrée, ou allumineuſe, ou avec des eaues de roſes & plantain avec leſquelles auront bouilly l'alun, vn peu de ſublimé ou d'orpiment argenté, avec vne decoction de racines de ſouchet, ariſtoloche, gentiane, fueille d'abſynthe, de plantain, de centaurée, bouillon blanc, eſcorce de gre-

nade, noix de cypres, balaustes, & de l'alun, faite en gros vin : lequel lauement sert non seulement pour desseicher, mais aussi pour roborer la partie, & reprimér la fluxion, à raison dequoy aucuns appliquent le defensif du bol à l'entour de l'vlcere. Apres ce lauement on mettra dans l'vlcere vne poudre deslicatiue faite de lytarge & plomb brulé, d'antimoine, d'airain brulé, du coral, pierre sanguine, d'yuoire, de l'escorce de grenade, & des mirobolans. Dessus la poudre on appliquera le blanc de rhasis ou de litarge ou diapompholigos, & par dessus des compressees temperées en oxycrat, avec ligature expulsive. De ceste mesme poudre on peut faire vn vnguent avec le ius de plantain & morelle, huile rosat, & cire blanche, adioustant pour incarner l'aloës, la sarcacolle & la

poudre de flambes & d'aristoloche. Si par ces remedes l'vlcere n'est dompté, on y attachera vne lame de plomb frottee d'argent, ou bien on aura recours aux cauterés, tât actuels que potentiels. Comme aux trociques d'asphodalles, ou à la coupeuse: adioustant, si ces choses ne suffisent, vn peu d'arsenic (moyennant qu'on applique à l'entour quelques defensifs ou refrigeratifs, pour empescher la fluxion que la violence de ces medicaments pourroient exciter.

De l'vlcere sordide & pourry.

QUand il sort beaucoup de sanie & d'ordure espaisse & gluante d'un vlcere, on le nomme sordide, & si la chair vient à se pourrir & corrompre à causé de la corruption de l'humeur, ou de quelque malignité,

comme il aduient apres les charbõs, absçés, & plâyes mal pensées: c'est vn vlcere lordide, putride, lequel outre ce qu'il est fort humide, la chair est aussi liuide, ou noire, ou priuée de sentiment, le cuir d'alentour passe & ridé, & quelquefois enflambé: les vapeurs & excrements qui en sortent sont trespuants: aucunesfois la gangrene y suruient, & l'esphacèle du membre: parquoy au commencement ce mal est curable, mais en fin il cause la mort avec resuerie, puanteur d'haleine, & sueur froide. Quant és signes & causes, tu les pourras fort facilement recueillir de ce mesme discours.

De la curation.

POur la curation, faut premièrement pourvoir à tout le corps par purgation conuenable, bon re-

gime de viure qui refiste à la pourriture, par les cardiaques qui defendent les parties nobles. Apres la partie vlcérée sera deschargée des humeurs corrompues par scatification, sangluës, & fomentations. Cela faict, on viendra à la curation de l'ulcere: lequel sera bien lauë avec hydromel & eauë salée, ou avec la decoction d'absynthe, d'ache, marrubium, gentiane, centaurée, aristoloche, lupins, & autres telles choses ameres & nitreuses, euitant celles qui sont adstringentes. Pour mondifier on adiousté du miel rosat, ou de l'egyptiac, ou bien on fera vn vngent de ius d'ache, d'absynthe, centaurée, avec le miel rosat & terebentine, adioustant les poudres de flambe, d'aristoloche, myrthe, aloës, & farine d'orge: par dessus on mettra des estoupes & linges

trempez en oxycrat. S'il y a pourriture l'ulcere sera laué d'eau salée avec vinaigre, ou avec lexiue de cendres de choux, ou saouon, ou eau de vie avec l'egyptiac. Par dessus on mettra vn cataplasme de farine de lupins, & d'orobe cuittes en oximel avec la poudre d'aristoloche. Guidon, selon l'opinion d'Auicene, faiet vn vnguent de vitriol, & calchitis cuit en vinaigre, avec du diagragant. Aucuns y adioustent de l'alun: Cependant l'entour sera muni de l'vnguent de bol, & le tout couuert de plumaceaux trempéz en oxycrat: si la corruption est plus grande, faut couper la chair corrompue, ou la consumer avec les cauterés tant actuels, que potentiels, & nommément avec la poudre de calcanthum & de mercure. Que si pour ces remèdes on ne peut venir à bout de la

pourriture, le dernier refuge est de couper le membre pour garantir le reste du corps.

De l'ulcere chancreux.

QUand l'ulcere est rond, horrible, & puant, ayant ses bords gros, durs, noueux, & renuersez, & qu'il se monstre sale, liuide, rougeastre, & quelquefois sanguinolent, iettant vne virulence sanieuse, noire & rousse, & par fois du sang: & à l'entour de soy a des veines pleines de sang melancholique, est vn chancre qui a des douleurs poignantes, s'irrite en l'vsage des medecaments, rongent assiduelement & creuse iusques au profond du membre, sans qu'on le puisse arrester.

De la curation.

POur la curation generale faut auoir recours au chapitre du chancre.

chancre. Touchant la particuliere, Galien au chapitre 10. du 2. liure *ad Glauconem* baille deux preceptes: l'un d'extirper totalement le chancre, s'il est en lieu qui le puisse endurer. Or il y a deux manieres de l'extirper, par incision (moyennant qu'on ne laisse aucune racine) & par erosion faicte avec medicaments qui le consumera du tout. Entre lesquels Guidon louë grandement l'arsenic sublimé qui l'abolist incontinent, mais qu'on prenne garde au lieu où il est mis à la quantité, & que les defensifs du bol soient appliquez à l'entour. Quelques-vns le domptent avec le mercure, & speciale-ment quand il est venerien. Après que l'escarre sera cheute, on cognoistra le chancre quand la chair apparoitra bonne & loüable, & lors on le guarira à la maniere des autres.

L'autre façon est, que le chancre ne peut estre extirpé, où le patient ne veut endurer, vñant tant seulement de cur palliative, empeschant qu'il n'empire, par purgations frequen-tes & par toutes manieres de reuul-sion, bon regime de viure, & par topiques lenitifs, refrenatifs, & qu'ils ayent vertu de refrigerer & desseicher sans aucune mordication, com-me il a esté dit en la curation du chancre.

De l'ulcere profond & sineux.

L'Ulcere cauerneux succede com-munément aux absçés & playes creuses & profondes, où la sanie a esté trop longuement retenuë, ou pource que les absçés n'ont esté per-cez en temps & lieu, ou pource que l'ordure n'a eu bonne issuë, mais el-le a croupy long temps au fonds : &

CHIRVRGICAL.

en croissant ou rongeat a f
ou plusieurs voyes & cauer
dureté touresfois & ca
quoy le sinus est differ
itulle.

Des signes.

LA cognoissance
fondant avec tent
uettes, chandelle de c
iections qu'on y peut
couleur & qualité del
en sort : car si elle est i
cere est chaude, si
cheastre & sereuse, or
froide.

De la curatio

LA curation est diffi
cause de la profondi
la fluxion des humeurs i
que par les parties voisines

ABBREGÉ

corps, renuoyant à la par-
 parquoy il est expedient
 à tout le corps. Pre-
 par diette & purgation,
 cauité se remplisse, puis
 acuation de la matiere
 sanieuse. Ce qui est
 e quand l'orifice du si-
 as par vnguent & em-
 ificatifs, par compres-
 i vin adstringent, par
 siue. Si l'orifice est en-
 nger, s'il est possible,
 membre, faire si bien
 enbas, afin que sanie
 la situation ne se peut
 il faudra inciser le sinus
 g, si la partie ne t'empef-
 u'il soit plustost guarý,
 a seigne Galien au chapi-
 iefme du deuxiesme liure
 ou bien on fera controu-

leure est plus profonde ou l'action plus vehemente, comme des choses solides, il se faiet escarre ou vlcération: dont il appert que les brusleures sont diuerfes, selon la nature & qualité des causes agentes, & selon le temps & vehemence. Bref en toutes y a rougeur, ardeur, densité, & constriction du cuir à cause de la chaleur qui se desseiche & retrecist, dont la douleur s'ensuit plus grande és eschamboulieures que quand il y a escarre, pour autant que la derniere mortifie les parties sensibles, mais la vessie outre l'erosion, elle a chaleur & tension à cause de l'humeur fereux, que les parties voisines laissent decouler en la partie dolente: lequel faiet esleuer le cuir en vessie, si on ne l'empesche par les remedes qui esteignent l'ardeur, ou rarefient le cuir, & espaisissent & dissipent

l'humeur fereux , ou adoucissent la douleur.

La curation.

Comme les accidents sont divers , aussi sont les remedes , dont les vns estaignent l'aideur & inflammation : Comme les eaux & ius de morelle, de ioubarbe, de pourpier, de lactue, d'endiue, de plantain, des roses, avec ou sans aubin d'œuf, l'vnguent rosat laué, & souuent changé le cerat refrigerant, toute terre destrempee en oxicrat. Et si l'ardeur est plus grande, l'vnguent de peuplier, les mucilages des grains des coings, & de psilium tirez en eauë de morelle, l'alun dissous en eauë de camphre, cuitant les choses trop adstringentes & narcotiques, pource qu'elles empeschent la transpiration: Aussi tous ces remedes sont appliquez tiedes & non

froids , pour la mesme raison , les autres par leurs chaleurs ouurent les pores , & resoudent la serosité , & consequemment empeschent les vessies , comme l'oignon pillé avec du sel , merueilleux pour les brusleures non encores escoriées , les fucilles de suzeau , d'hiebles cuittes en huile de noix avec vn peu de sel , les fucilles d'aron pillées avec sel. Ainsi la chaleur du feu guarist les brusleures , à cause qu'elle attire l'empyreume , selon Aristote au 'Probleme 50. du premier liure : les autres mitigent la douleur : comme iaune d'œuf avec huile rosat , ou l'œuf tout entier pilé avec la coquille , le lard fendu lauë avec l'eau rose , & mesme avec vn iaune d'œuf , avec lequel si on adioust de la farine d'orge , & vn peu de sel , il empesche les ampoules. Que s'il en vient on les percera,

de peur que ceste eauë acre ne rōge le dessous. S'il suruient inflammation avec tumeur, faut tirer du sang du costé opposite, & ordonner vne maniere de viure tenue & refrigerante, de peur de gangrene: S'il y a crouste, faudra la moucheter & ramolir pour la faire tomber: s'il y a vlcération on doit vler de remedes lenitifs & dessicatifs mediocres: comme de l'huile d'œuf battuë au mortier de plomb, avec chaux viue lauée par plusieurs fois, avec le cerat de Galien: s'il y a sanie, on la nettoiera avec farine d'orge, therebentyne, myrrhe, syrop de roses seiches. Enfin l'ulcere sera desseiché par l'ayde de l'vnguent blanc camphré, ou citrin, ou dessicatif rouge, lesquels conuiennent aussi pour faire & procurer vne belle cicatrice.

Fin des vlceres.

Des

Des fractures.

SECTION IV.

L'Os est particulieremēt subiect à trois especes de maladies: comme fracture; luxation, & carie, desquelles nous discourerons le plus briefuement que nous pourrons, commençant par la fracture.

Qu'est-ce que fracture?

Toute rupture faite par quelque violence externe, comme tesmoigne Eginette au chapitre huitante-neufiesme du liure 6. Galien au chapitre 5. du 6. liure de la Methode, par le nom de fracture, laquelle il appelle Catagina, entend toute solution d'vnité faicte en l'os.

Combien y a-il de differences?

CAlien au sixiesme de la Metho-
de chapitre 5. n'en faiët que
deux, vne qui est faiëte en long, l'au-
tre de trauers. Celse au chapitre sep-
tiesme du 8. liure, adiouste la troi-
siesme, qui est oblique. Eginette au
lieu allegué faiët en tout cinq distâ-
ces de fractures, qu'il exprime par
vne similitude des autres choses. La
premiere est celle qui est faiëte en
reffort, c'est à dire, que comme l'on
rompt vn reffort par le trauers: telle
fracture est du tout vnie, nette &
polie, sans aucune esquille ny aspe-
rité, & par ainsi dicté raphaidon, de
mesme est ceste-cy. Aucuns disent
qu'elle est faiëte en chou, & telle fra-
cture est en trauers, laissant petites
esquillés pointuës: comme faiët la
tyge d'un chou rompu laissant des

petits filaments, nommée cauledon: ou en concombres, quand telle fracture se faict en trauers avec quelques inegalitez qui sont à l'endroit de la fracture: la seconde est en esclat, quand l'os est fendu de long, & avec esquilles, & sans icelles, en maniere que l'on fend vn ais, l'os n'estant du tout separé, mais seulement fendu. Ceste cy est appellée scidacion: la troisieme est faicte en chaume, ou ongle dicté calamedon, ou onica, qui est vne esclature en droite ligne, selon aucunes de ses parties, laquelle sur la fin se courbe en figure de croissant, appellée par ceste cause de quelques vns Lunaris. La quatrieme est faicte en maniere de farine, ou noix dicté alphididon, cariedon, qui est briseur de l'os en plusieurs petites & subtiles pieces, de la grosseur d'un grain de bled

moulu , ou d'une auclaine esca-
chée. La cinquiesme est faite par
abruption , nommée Apotrausis,
ou apocope , en laquelle quel-
que piece de l'os est enlevée super-
ficiellement , & emportée. Au-
cuns adioustent l'enfonceure fami-
liere aux enfans, quand l'os laisse sa
propre assiette , & descend contre
bas sur la membrane appelée Ten-
gisoma , & la vouture , quand l'os se
recule & caue en dedans , ou quand
l'os se releue en haut, qui est le con-
traire , fort frequente en la teste ,
qui est dictée Camaurosis : les mo-
dernes peuuent adiouster la per-
ceure faicte par vn boulet. Toutes
lesquelles differences sont ou sim-
ples ou compliquées aux autres ma-
ladies, ou symptomes: comme playe,
contusion, punction faicte des frag-

ments de l'os, douleur, tumeur, inflammation, flux de sang, & luxation.

Des causes.

LEs causes externes sont celles qui peuvent froisser, couper, briser, fendre, rompre, & casser les os, soit par quelque coup, cheute, & destorsion de trauers, de biais, ou en long, avec inégalité ou égalité, superficiellement, ou plus auant, avec perdition de substance, ou sans icelle: d'où sont tirez les differences des fractures susdites.

Des signes.

LA cognoissance de la fracture de l'os est prise du sens & de la raison. Du sens, quand les pieces s'offent de leur place, car au toucher on apperçoit quelque aspreté, & au

mouuement du membre on oyt le craquement des os par le frayement qu'ils font ensemble. Dauantage la figure du membre est changée, & les esquilles qui piquent le perioſte font vne tres grande douleur. Par raison le mal est cogneu quand les parties de l'os rompu demeurent en leur place: ce qui est plus difficile, n'y ayant rien qui pique la membrane, ou qui soit eminent ou inégal: neantmoins on prend coniecture de la violence de la cause agente, ou de l'impuissance du membre qui ne peut faire son action, principalement si la fracture est en l'os principal du bras ou de la iambe, non pas au petit focille qui ne sert qu'à soutenir les muscles, & non le corps, ioint que le membre sent douleur au toucher, & bien souuent il s'eschauffe,

Du prognostic.

A Pres que la fracture sera connue on iugera du danger par l'espace & grandeur d'icelle, par la condition de l'os rompu, & du malade, & par les symptomes qui l'accompagnent. Car premièrement la simple fracture, soit en long, ou de travers, est plus tollerable, combien que la dernière est plus difficile à consolider. Si l'os est brisé en plusieurs pieces, elle est plus dangereuse : la pire de toutes est, quand les esquilles pointuës sont eminentes, à cause qu'en blessant la chair & les nerfs, elle faict douleur, selon Celse au chapitre 10. du 8. liure. Toutesfois il vaut mieux que les fragments s'avancent dehors qu'en dedans, à cause qu'il est plus aisé de les agencer. 2. Aux membres où il y a deux os,

comme au bras & à la iambe, si l'un se rompt, l'on doit souhaitter que l'autre demeure entier, afin que les nerfs & tendons demeurent estendus. Que si tous les deux sont rompus, la curation en est plus difficile, à cause que l'un ne peut soulager l'autre: parce que les nerfs & muscles se retirent, selon Hippocrates en la particule 4. section 3. du second liure des fractures: mais si l'os du bras ou de la cuisse est tellement rompu que les fragments surpassent, il y a danger, tant à cause de la grosseur de l'os que de l'offense des nerfs & grands vaisseaux, & crainte de convulsion quand on le r'habille: Côme il est escrit en la particule 47. du mesme liure. 3. la fracture qui est prés des ioinctures est plus dangereuse, à cause que la douleur & difficulté de bander y est plus grande,

& apres la consolidation, le mouuement est plus difficile, comme escrit Celse au lieu allegué. 4. S'il y a playe avec fracture cela est mauuais, pource qu'elle n'excite pas seulement inflammation, mais elle empesche que le membre ne puisse estre lié, & remis en l'estat qu'il doit estre, selon Celse. Que s'il y a inflammation, cela est encore pire, pource qu'on ne doit essayer la reduction des os, pour la crainte de conuulsion & syncope, que l'inflammation ne soit ostée: aussi bien l'os ne se peut consolider tant qu'il demeure, selon Hippocrates au liure des fractures. 5. Si dès le premier iour que la partie est encore chaude, & exempte de tous symptomes, on ne reduit les os rompus en leur place, mais on differe iusqu'au 7. iour. Il est à craindre que l'os ne se corrompe par la sentence

37. de la section 3. du liure des fractures: & plus on tarde la curation, d'autant plus le mal se rend difficile à guarir, principalement si le calle s'y engendre. Lequel est cause qu'il faut faire plus grãde & violente extension. Ce qui ne se peut faire sans danger de conuulsion. 6. Si les os rōpus ne peuuēt estre reduits en leur situation naturelle, la partie tombe en atrophie, ou en gāgrene, à cause que les vaisseaux estans peruertis de leur propre lieu, le transport de l'aliment est empesché, & les esprits ne peuvent reluire: comme il est escrit au cōmencement de la particule 59. section des fractures. 7. Quant au terme de la guarison, les fractures des os ne se consolident pas toutes en pareil nombre des iours, ains les vnes plus tost, les autres moins, selō la diuersité des os, ou petits, ou gros, ou plus mols, & selon qu'ils sont plus pro-

ches ou esloignez de la fontaine de chaleur. Ainsi la fracture du crane se peut guarir & consolider en trente cinq iours. Du nez en 9. de la mâchoire des clefs & de l'omoplate, nō gueres plus que en 14. des costez en 21. du bras & de la iambe en 40. de la cuisse en 50. du pied en 60. car les os qui sont plus gros, & les parties qui sont plus froides, requierent plus de temps à se confirmer. A cela aydent de beaucoup les remedes, mais encore plus la constitution du corps, l'aage, l'euacuation & maniere de viure, & la saison de l'année. Cōme il est ayse de recueillir, tāt de la premiere sectiō des fractures, que de Celse au lieu preallegué. 8. Parquoy, comme ainsi soit que les os, tant plus ils sont durs, tant plus ils sont malaisez à consolider : à bon droit donc la fracture és ieunes est plus aysee à guarir qu'aux vieilles

personnes, pource qu'ils ont le corps plus succulent & abondant en chaleur & humidité naturelle, selon Galien au chapitre 5. du 6. liure de la Methode. Par mesme raison les bilieux sont plus difficiles à guarir que les sanguins, & ceux qui sortent de quelque maladie, à cause que ceux-là sont plus secs, & ceux-cy sont plus debiles & exangues : somme si le sâg est trop aqueux & subtil, il n'est si propre à faire le callus que celuy qui est gros & espais, & avec l'intégrité des forces, comme escrit Auienne au chapitre premier, traicté 2. fen 4. du 4. liure. 9. Car l'os estât sec de nature és grâdes personnes, il ne se peut glutiner, selô la premiere intention de la chair, mais en ce defaut à l'entour de la fracture, il s'engendre vne substance dure appellée callus, de ce qui abonde de l'aliment

de l'os qui sert aux os, comme la colle au bois pour le joindre & glutiner ensemble. Toutesfois Galien au 91. de l'art de Medecine, cōfesse que les os des enfans se reprennent, selon la premiere intention, à cause qu'ils ont beaucoup de substance humide. Or quand l'os est bien consolidé on le cognoist par l'esgale composition, & naturelle figure du membre rompu conferé avec le sang, & par sa bonne habitude & couleur, par la vacuité de douleur, & de tous autres accidents, & par le mouuement facile. 10. S'il y a quelque coste rompuë il s'ensuit vn crachement de sang, grande inflammation de fièvre, & bien souuent vn empiame, dont le patiēt est en dāger de mort, selon Celse au chapitre dixiesme du 8. liu. I'auois oublié de dire cy-dessus, que plusieurs choses retardent

la glutination , à ſçauoir la fomentation d'eauë chaude , les bandes trop eſtreintes , & les remedes trop repercuffifs , les aſtelles mal miſes , le maniement de la partie trop frequent.

La curation.

LA curation ſera telle que vous entendrez cy apres , pourueu que ce ne ſoit pres l'articulation , & qu'il n'y aye diſlocation , attendu que telles fractures ne peuuent eſtre traitées comme les autres : auſſi qu'il n'y aye aucune choſe eſtrâge à oſter comme du fer , des eſquilles d'os , & ſemblables , qu'il faut oſter pareillement. Que quelque vaiſſeau inſigne ne ſoit coupé , lequel faudroit lier , ainſi qu'il a eſté dit , & qu'il n'y aye grande echymofe , laquelle faudra ſcarifier pour en tirer le ſang , puis lauer la playe avec oxicrat & du ſel.

Or quatre choses sont requises pour la curation , à sçauoir extension de la partie , reduction des os en leur premier lieu , application de reme- des, & ligatures propres: Finalement situer la partie sans douleur. Pour mieux donner à entendre cecy , il faut que deux seruiteurs prennent le mēbre fracturé avec les deux mains, l'vn par dessus la fracture, l'autre par dessous, & qu'ils tirent doucement le membre à l'opposite. Quoy estant faict, le maistre doit reduire les os avec les deux mains proprement en leur place, puis appliquer son reme- de, qui est d'oindre la partie d'huile rosat, & par dessus mettre vn cata- plasme de bol d'armene, sang de dragon, aloës, masthic, avec des blancs d'œuf, vinaigre, & huile de myrtilles, afin que les medicaments ne desseichent. Consequemment il

prédera vne bande qu'il mettra droit à la fracture, faisant trois tours finissant en haut, & en apres il prendra vne autre bande, laquelle il mettra derechef sur la playe, & luy fera faire deux tours, la tournoyant de mesme costé que la premiere, & finira en bas. La troisieme bande commencera en bas, & sera tournoyée à l'opposite, afin de remettre les muscles en leur propre figure, & finira ladite bande en haut: Et en apres on mettra des compressees, & les bandes du haut en bas, puis retourner vne autre bande du bas en haut. Aucuns dés les premiers iours mettent des astelles, puis les cuselless & les facines. Et pour faire fin, il faut situer le patient, & la partie en telle sorte, qu'elle soit sans douleur, si faire se peut. Que si la fracture est


auec

avec playe , il faut la bander comme s'il n'auoit point de playe , vsant des remedes conuenables. Si elle est avec flux de sang , il faut l'arrester: Si avec contusion , scarifier , si avec douleur , recourir aux ligatures , & y mettre des anodins , comme de laine imbue d'huile & vinaigre. Quant aux fractures de teste, il n'en fera faicte aucune mention pour le present.

Fin des fractures.

De la luxation.

SECTION V.

 Este derniere section est dediee aux luxations ou desloüeures alliez de la fracture, aussi marche elle apres, son-

déc sur la mauuaise conformation, à sçauoir en la situation, ou conuexion des parties.

Qu'est-ce que luxation?

V Ne cheute de l'os coniointe par diarthrose, hors de sa propre cavité & lieu naturel, tombant en vn autre estrange & non accoustumé, qui empesche le mouuement volontaire. Ainsi la definit Eginette au chapitre cent onzième du sixiesme liure.

Quelles sont les differences, & combien?

OR comme les os sortent hors de leurs lieux en plusieurs manieres, aussi y a il plusieurs differences de luxation. Eginette apres Hippocrates en la particule premiere du 4. liure des ioinctures en faict deux:

l'une parfaicte ou complete, qu'il nomme exarthrose, quand l'os est fortý du tout hors de son lieu, l'autre imparfaite appellée pararthrose, quand l'os n'est pas du tout déplacé, aussi n'est il pas joint au lieu où il doit estre. A ces deux faut adiouster vne troisieme, selon Celse au chapitre II. du huictiesme liure, appellée diarthrose, qui se fait lors que les os contigus naturellement s'escartét l'un de l'autre: comme l'os du coude, ou du rayon, de la clauicule avec l'acromion. La premiere espece a six differences prinſes des circonstances du lieu, selon que l'os tombe en deuant, ou derriere, où dessus, ou dessous, en dehors, ou dedans. La seconde espece a trois differences: l'une quand les ligaments, tant internes qu'externes, sont relaschez: l'autre quand le ligament est violente-

ment efforcé comme en la torsure du pied. La troisieme quand il est peruertty peu à peu en tirant l'os apres soy comme és vertebres, où ceste desloüure a trois differences, à sçauoir chiphosis, qui est en la bosse releuée en d'hors; l'ordosis qui est enfonceure blessée en dedans, & scholiosis qui est entorceure. Toutes lesquelles differences sont recentes ou vieilles, simples, ou compliquées, avec inflammation, douleur, playes, fracture, carnosité qui s'engendre dans la cavité, & remplist la callosité qui suruient entour l'os. Or l'un & l'autre rendent la reduction tres-difficile, ou impossible.

Des causes.

Les causes sont deux, à sçauoir Externes: comme cheute, coup, extésion, entorceure, & tout mou-

uement violent & interne : comme l'extenuation des muscles qui couurent les ioinctures, l'imbecillité naturelle des ligaments qui l'environnent, abondance de pituite, laquelle relasche les ligaments, ou remplissant la cavité, poussé dehors la teste de l'os qui y estoit logée. Le vice de la conformation, tant en la cavité qui n'est pas assez profonde, qu'en ses boulleuerts, qui ne sont pas assez esleuez; ou sont brisez, comme escrit Galien sur la particule 6. du premier liure des ioinctures.

Des signes.

LEs signes communs & diagnostiques sont trois. Le premier est changement de la figure naturelle du membre, pource que l'os deslogé fait vne tumeur extraordinaire, & à l'opposite il y a enfonceure vui-

de de la cavit   ou il estoit log  : le second est la douleur du membre : le troisi  me est l'act  on bless  e,    s  avoir le mouuement qui perit du tout en la luxation parfaicte, & non pas en la subluxation. A cela sert aussi la comparaizon de la partie malade avec la sanie, si elle est plus longue, ou plus courte, ou   gale.

Du prognostic.

Quant aux signes prognostiques ils sont tirez de la grandeur du mal, du temps, des causes, de la formation des ioinctures, habitude du corps & des accidents, desquels endroits nous en puiserons quatorze. 1. Si les os sortent du tout hors de leur place, ils sont plus difficiles    remettre, & s'ils ne sont remis, il aduient des plus grands accidents, selon Hippocrates en la par-

ticule premiere du 4. liure des ioinctures. 2. Mais d'autant plus facilement qu'ils tombent, ils en sont plus aysez à remettre, aussi sont ils plus difficiles à retenir, selon le mesme Hippocrates au troisieme liure des fractures. 3. Parquoy si les bords de la cavit   sont brisez, ou les ligam  ts relaschez, la luxation qui en prouiet est incurable & tres-difficile, pour ce que l'os estant remis, il ne peut demeurer en sa place, selon le mesme au lieu preallegu  . 4. La disposition du corps, l'habitude, l'aage ayde beaucoup    la luxation, comme aussi    la curation, selon Hippocrates au premier liure des ioinctures: car   s os robustes, plains, charnus, la deslo  ure se fait rarement, aussi la cure en est plus difficile: au contraire   s corps humides & maigres, les os deslo  iez se remettent fa-

cilement, mais à la moindre occasion ils se demettent, & par mesme raison la deslouëure se fait plus souvent és enfans, qu'és grandes personnes, à cause de leur mollesse, selon Celse au lieu allegué. 5. Or les membres qui sont deslouez en l'adolescence ne croissent plus en de là, & sont priuez de nourriture, & amaigrissent, & consequemment ceux qui les auoisinent, à cause de la cessation & foiblesse des ioinctures, distorsion des vaisseaux & des muscles. Bien est vray que la partie sur laquelle l'os panche, s'amaigrist moins que l'opposite, pource que la complicatiõ de l'os luy sert de mouuement. Car comme l'exercice entretient & corrobore les parties, la paresse & cessation du mouuement les extenué & debilite, selon Hippocrates au liure des ioinctures. 6.

Par ainsi ceux qui ont esté longuement trauaillez de la sciatique, si l'os de la cuisse sort dehors de son emboiture, & puis il se remet, cela se fait à raison de quelque pituite qui s'amasse dans la cavit , selon l'aphor. 39. du 6. liure, mais aussi tost la cuisse deuient tabide, pource que le mouuement naturel se perd, & ce phlegme empesche la voye de l'aliment. De maniere que si avec le cautere on ne consommoit ceste humidit , le patient deuiendroit boiteux, sel  l'aphor. 60. du mesme liure. 7. Quant aux luxations qui sont coniointes avec inflammation, playe, fracture, & grande douleur, elles sont non seulement difficiles   guarir, mais aussi dangereuses,   cause qu'on ne peut les remettre sans danger de conuulsion, fiure aigu , gangrene : lesquels accidents sur-

uiennent, principalement quand la desloüëure se faiët au coude, au genouil, & ioinctures qui sont au des-sous. Car d'autant que elles sont plus prochaines des parties nobles, d'autant plus elles causent plus grand danger, selon Eginette au chapitre 121. du 6. liure. 8. Les enfans comme ils deuiennent grandelets sont subiects à la desloüëure des vertebres en dedans, causées de grande inflammation par l'aphorisme 26. du troisieme liure. 9. Ceux qui deuant l'aage de puberté deuiennent bossus, & ont grande difficulté d'haleine avec toux, meurent bien tost à cause que le thorax, ne croissant pas avec les autres parties, la liberté du cœur & du poulmon est empeschée, par l'aphor. 46. du 6. liure. 10. Si les vertebres sont parfaitement desloüées, elles font mourir le patient à l'in-

stant , & principalement celle du col, parce que la moëlle spinale ne souffre tant soit peu d'estre foulée & pressée, selon Eginette au chapitre 117. du 6. liure. Mais Hippocrates au liure des ioinctures vse de distinction, disant, Que si les rouelles du col s'enfoncent angulairement, les parties situées au dessous perdēt le sentiment & mouuement, non pas quand elles s'enfoncent circulairement. Et au second des Epidimies dit, Que l'os enfoncé de la seconde vertebrefaict vne maniere d'esquinance, qui est mortelle. 11. Entre les ioinctures la teste de l'auant-bras qui est ioincte par enarthrose avec le palleron se deslouë souuent, à cause de la cavité lubrique & laxité des ligaments, non point en dessus, ny derriere, rarement en deuant, mais souuent contre bas, & lors on apper-

çoit vne cauité au dessus : Quant à l'os du coude, il se deplace plus malaisément, & reduit plus difficilement, parce qu'il y a plusieurs eminences & cautez selon Eginette és chapitres 114. & 115. du 6. liure. 12. L'os de la cuisse ne peut estre déplacé que par desloüëure parfaicte, laquelle se fait rarement en deuant & derriere, & souuent en dehors & dedans. Si elle se fait en dedans, la iambe est plus longue: si en dehors plus courte, selon le mesme autheur au chapitre 118. le genoüil se desloüë plus facilement en dedans, dehors, & derriere, & non pas en deuant, à cause que la roüette l'empesche au chapitre du 6. liure. Quât aux doigts des mains & des pieds, comme la desloüëure est facile, aussi est la reduction. 13. Si l'os du tallon en sautant se disjoit de l'astragalle, ou se

cassé, cela est dangereux, à cause de la froissure des tendons, & douleur grande qui fait inflammation, fièvre ioincte avec conuulsion & resuerie, par le consentement des nerfs avec le cerueau, comme il est amplement au liure des fractures. 14. Pour conclusion: en quelque partie que ce soit les desloüeurs vieilles sont incurables ou difficiles à guarir, à cause du calle ou carnosité qui suruient entre deux, & empesche la reduction par la sentence 21. du premier liure des ioinctures. Parquoy quand il y a quelque os desloüé, la curation se doit entreprendre le plustost qu'il est possible, afin que la reduction soit plus aysee au Chirurgien, & plus tollerable au malade.

La curation.

QVant à la curation, elle est pres-
que semblable à celle de la fra-
cture, c'est à dire qu'il faut tirer,
pousser, réduire, & contenir par
bandages, emplastres : puis situer
la partie sans douleur, & empescher
qu'il ne survienne aucun accidēt. Or
on cognoist que l'os est reioint,
quand en entrant en la cavité il fait
vn petit bruit, & le membre des-
loüé est sensible au toucher, & à la
veuë paroist de figure, conforma-
tion, & grandeur naturelle. On em-
peschera qu'il n'adviēne point d'ac-
cident, par vne bonne maniere de
viure, purgation & saignées. Pour
les medicaments sont les mesmes
que nous auons proposé en la fractu-
re, mais si la dislocation venoit de
cause interne qui humectast les li-

gaments, il faut purger & saigner si besoin est, puis appaiser la douleur avec huile & vinaigre appliqué chaudement avec de la laine. Que s'il y auoit fièvre ou inflammation, on vsera des remedes expliquez au chapitre du phlegmon Et ne faut estimer que telle luxation se puisse reduire, attendu qu'entre les deux os il se faiët vn amas de chair qui empesche la reduction.

De la carie en l'os.

DES trois affections particulieres esquelles l'os est sujet, la carie est la troisieme & derniere, aussi clorra elle & fermera ceste petite institution Chirurgicale. Or à nostre accoustumée, nous dirons que c'est que carie: Carie est vne solution de continuité faite en l'os par erosion.

Quelle est la cause ?

C'Est vne humeur acre corrodant l'os, en se pourrissant en iceluy: ou fluant à l'os, ou venant du chancre, ou d'une fistule, ou de quelque médicament oleagineux & onctueux.

Comment cognoist on la carie ?

ON la cognoist au toucher avec la sonde, & par la sanie qui en sort, laquelle est plus abondante, qu'elle ne peut estre contenuë en l'ulcere: outre ce elle n'est pas ny claire, ny espaisse, ny colorée, ny onctueuse, mais elle tient l'entredeux. Davantage les bords de l'ulcere ne s'agglutinent pas aisément.

De la curation.

IL faut observer diligemment la difference qu'il y a entre vn os alteré

teré & vn os carié ; car l'os carié ne se peut nullement reparer, aussi ne peut il receuoir guarison que par le fer & amputation d'icelluy : mais l'os qui est alteré par medicamens ou par l'air ambient ou par quelque matiere qui croupira dessus, pourueu que ledit os en sa superficie seulement soit vitié, non corrompu du tout en sa substance, il peut receuoir guarison sans feu. Ce qui se fera par l'eauë de vie, vitriol, poudre de mercure, huile de geneure, & principalement l'huile de choux, de cloux de girofle, avec huile de camphre.

F I N.



TABLE
DES PRINCIPALES
MATIERES TRAITTEES
en cét abregé Chirurgical.

Q u'est-ce que Chirurgie.	25
Ses especes. 25. son subiect. 27. sa fin.	28
Les choses requises pour paruenir à ceste fin.	28
Instruments de Chirurgie.	29
Onguents que doit porter le Chirurgien en sa boëte.	30
Indication & ses differences, & d'où elles sont prises.	31
Conditions requises au Chirurgien.	34

SECTION PREMIERE.

Des Tumeurs.

Q u'est ce que Tumeur?	page 41
Sa matiere, & en combien de maniere elle se fait.	43
Qu'est-ce que Fluxion. 43. ses causes.	45
Qu'est ce que congestion 44. ses causes.	45
Qu'est-ce que transposition. 44. ses causes.	45
Causes speciales des tumeurs 46. differences des tumeurs.	47
Signes des tumeurs. 48. prognostiques des tumeurs.	53
Fin & termination des tumeurs.	53
Curacion des tumeurs en general.	54
Comment s'arreste la fluxion.	55
Du Phlegmon 64. ses differens. 54. sa diffinitive. 66	

T A B L E.

<i>Causes du phlegmon.</i>	67.	<i>ses signes.</i>	68.	<i>sa curation.</i>	71.
<i>Des apostemes.</i>	79.	<i>ses differences.</i>	80.	<i>ouverture d'icelles.</i>	81.
<i>Du furoncle, & de ses differences</i>	82.	<i>de ses causes & curations.</i>			84.
<i>Du charbon, & de ses differences.</i>	86.	<i>de ses causes.</i>	87.	<i>curation.</i>	90.
<i>Du bubon.</i>	92.	<i>ses causes.</i>	94.	<i>ses signes.</i>	95.
		<i>sa curation.</i>			95.
<i>De la gangrene.</i>	97.	<i>ses causes</i>	98.	<i>ses signes.</i>	98.
		<i>sa curation.</i>			100.
<i>De l'erysipel.</i>	101.	<i>ses differences.</i>	104.	<i>sa curation.</i>	109.
<i>De herpes.</i>	110.	<i>ses differences.</i>	112.	<i>ses causes.</i>	113.
		<i>sa curation.</i>			114.
<i>De l'œdeme sa definition.</i>	117.	<i>ses differences.</i>	117.	<i>ses causes.</i>	118.
		<i>sa fin ou terminaison.</i>	120.	<i>sa curation.</i>	121.
<i>De la tumeur flatueuse.</i>	124.	<i>ses causes.</i>	124.	<i>ses signes.</i>	125.
		<i>sa curation.</i>			126.
<i>De la tumeur aqueuse.</i>	127.	<i>de ses causes.</i>	128.	<i>des signes.</i>	129.
		<i>sa curation.</i>			130.
<i>Des absces phlegmatiques.</i>	131.	<i>leurs differences.</i>	131.	<i>leurs causes.</i>	134.
		<i>la curation.</i>			136.
<i>Des escrouelles.</i>	142.	<i>leurs differences.</i>	143.	<i>leurs causes.</i>	145.
		<i>leur curation.</i>			146.
<i>Du scirrhe.</i>	149.	<i>de ses causes & differences.</i>	150.	<i>de sa curation.</i>	155.
<i>Du chancre.</i>	157.	<i>ses especes.</i>	159.	<i>ses signes.</i>	160.
		<i>sa curation.</i>			162.

SECTION DEUXIESME.

Des playes.

D efinition de playe & ses causes.	165.	<i>de ses signes</i>	
	166.	<i>de sa cure.</i>	175.

T A B L E.

<i>Considerations auant qu'approcher les labies.</i>	176. comment bien il y a de coutures.	177.
<i>Pourquoy on use de tantes & charpies.</i>	179. curation des arteres.	180.
<i>Des playes simples.</i>	181. de leur cure.	181.
<i>Des playes avec deperdition de substance.</i>		185.
<i>Des cicatrices cauees.</i>		187.
<i>De la conclusion.</i>	167. de la cure.	188.
<i>De la curation de l'echymose.</i>		190.
<i>Diuision des vaisseaux & flux de sang.</i>		192.
<i>Distinction de la playe de la veine, & de l'artere.</i>		193.
<i>Comment s'arreste le flux de sang.</i>		193.
<i>Des playes des nerfs.</i>	195. leur curation.	196.
<i>Des playes des tendons.</i>		199.
<i>Des morsures & playes veneneuses, & de leur curation.</i>		200.
<i>Des playes d'arquebusades.</i>		204.
<i>Des playes des os, & de leur curation.</i>		210.

SECTION TROISIEME.

Des vlceres.

D <i>De l'ulcere.</i>	214. de ses differences.	214. de ses causes	215. de ses signes.	216. prognostic.	217. curation generale.	220. des vlceres simples.	221.
<i>Des vlceres mal'ins & corrosifs.</i>	223. sa curation.						226.
<i>De l'ulcere sordide & pourry.</i>	228. sa curation.						229.
<i>De l'ulcere chancreux.</i>	232. sa curation.						ibid.
<i>De l'ulcere profond & sineux, & ses signes.</i>	234. sa curation.						235.
<i>De la fistule.</i>	238. sa cure.						240.
<i>De la brusleure.</i>	244. causes.	ibid. sa cure.					246.

T A B L E.
SECTION QUATRIESMÉ.
Des fractures.

Fracture quoy. 249. differences de fractures. 250.
causes & signes. 253. prognostics. 255. sa cura-
tion. 262

SECTION CINQVIESME.

De la luxation. 265.

Luxation quoy? & ses differences. 266. ses causes
& signes 268. & 269. du prognostic. 270. sa cu-
ration. 278

De la carie en l'os. 279. la cause, les signes. 280. la cu-
ration. *ibid.*

F I N.

fin

cc. Luv

Luxation

Monsieur Lamy

Lamy